

2 Koridi Koridi Mwaalyaraavina Poli Pikarya Pigasaalya' Yidavakesi.

¹ Koridi Mwaalyaihi, nya'mweihi
 Polinyi Gotiyare simunyavi Kiraazitiyai
 Jizaazai gaminyineba nyidaasadeinyi
 nyidahlakakeinyi pikarya da'
 yihithawaswaabe. Nimiji neya'mwei Timotilyi
 sinaai Gotiyare kusilaanyaviyaihi anga Koridi
 mwaaihasaihiyi Piroviji Giriza yuneba Gotiyare
 tewaanyara mwaaihasaraji saihirina yihithiwoi.

² Gotiyai Nenimaangelyi Naanga Jizaazai
 Kiraazitiya kwalyi yanga gaimwange'na
 tewaanna yihika! Yakilyiyagaa'
 kwaamu'nanyaburi tewaanna yihimwaaihika!

Gotiyai kugaimwaga' Poli suya widake'nesi.

³ Gotiyari yilaaya nayaa maryaana! Sai
 Gotiyai nemire Naanga Jizaazai Kiraazitiyari
 Ganimaangelyi. Yi sai Nimwai kale'na
 gaimwanga naange'na aaya kaavilyalyi. Yi sai
 Gotiyai a'mwe yuyaraavire simunyavi taanginya
 yuyanna yivaimwadelyi.

⁴ Sahwai yuya taanginya neyima'nadengina
 nemire simunyavi nayaa neyivaimwadelyi.
 Sarevadaa'nyai Gotiyai nemire simunyavi
 neyivaimwadevaaihisavi yi nemisareina
 a'mweraavire simunyavi taanginya
 gazasa' kininnakeraavi yiniga wi'na
 yivaimwagaanneine.

5 Neyivaimwade sa' dare'nanyi. Daanga naange' Kiraazitiyai maarakesi. Nabaai nemi kwainaji ma'daanyasi. Yi daange' yune naanga neyima'nadevaabi' yi nabaai Kiraazitiyari nemire simunyavi yivaimwangebwi yune naanga neyima'nade'nanyi.

6 Nabaai nemi taanginya' maraaja daza' Gotiyai sariminyine simunyavi yihivaimwagya'nesi sawai yihivadaihasamaarya'nesi sara yima'nade'nanyi. Yi nabaai Gotiyai nemire simunyavi neyivaimwagaza' yi sa' sarimire simunya kiriviji yivaimwagatesi. Nabaai Gotiyai sarimire simunyangi kave kihyoji yi nemi daanga ma'daanyabaaibi' sarimi sasare maapija' diraginna daavapiji nayaa jide'nanyi.

7 Nemi dara yawi'manigo. Sarimi daange' nemiji ye'mwannamaa'manigatabaabi' nabaai sarimire simunyavi neminyiji yivaimwangebwi dineye'mwannamaaryideihilyi. Yi sare'na nemi diraginna dara yemwaidaanyi. Yi sarimi diraginna dithaayideihilyi.

8 Sare' darevinyi. Nya'mweihi, nemire simunyavi dara yawi'manigo. Neminyi Piroviji Eziya dazavi neyima'nake' taanginya dazavina sarimi jawiranganyila! Taanginya naanga sa' nemarulawakakesi. Yada yi nemire diraginyavi nebulya'na wavilava'. Sarevadaa'nyi yi nemi dara yawiro. Nemi gaalyaina mwalaadeina daaka! Nemi balaadeinera.

9 Naanga nebulya'nanyasi. Nemi saina taanginya' yibwakimanigo. Yawibwa'dei mena dakabaaibi' nemi balaade'na. Yi

Gotiyai “Kumi kunnya diraginya sabwina nyawiralimwagapidika! Aawa. Nimi a'mwe bainikeraavi ayahi yidika'dinyainyi nayaa yawiralimwagapika!” kada' sasare sa'yima'nakesi.

¹⁰ Kayaa'nanaanga daza neminyi kayaa'na neramakadaasi Gotiyai sahwai neminyi ayina nevadaihasamaarakelyi. Yi nabaai dahaa' sahwai kuna nevadaihasamaa'manikelyi. Yi nemi sahwarina diraginna limwadaa nayaa dara yemwaaimanigoinera “Yi nabaai divi kigaasi sahwai ayina nevadaihasamaarakelyi.”

¹¹ Yi sarimi Gotiyari wija'na neminyi nayaa ye'mwannanegaimwadaapiji sara nevadaihasamaarakelyi. Sarev'idaa'nyi Gotiyai a'mwe kwalaalyaraavire yidaanganya' kadika wi'nada yi sahwai yanga tewaanna neyaja'na yi yuya kwalaalya dazara wi'napiji yi neminyina Gotiyari “Su! Su!” widipi'derera kwala naangera. Yi “Sare' yima'nana!” dona yihithiwo.

Polik Koridi mwaalyaraavi kwaasi mujake'nesi.

¹² Sare' darevinyi. Nemi neminyine yaya' munyaba makinya' yaasiwa'na mi'. Aawa. Sare' daresi. Nemi're simunyi padaihirakya'ni dara jalikurakadelyi. Kwaaka davaki mwaalyaraayawi nemi kaanya yamaryadaanyanna nawi'nya yagoinera. Yi nabaai sariminyi nawi'nya naanga yagoinera. Yi daresi. Gotiyai neminyi tewaanaanga sabwinaji yida'nanya nebulya'nanyabwinaji nejaavadevuri sara yagovulyi. A'mwe

kilaakejkiyabulyiyaraavire sidusabwi
nemarima'naabadevwi mi'. Aawa. Gotiyare
yune yanga gaimwange'na negaimwadaasi nemi
kaanya sasara yamaryoinera.

13 Sare' darevinyi. Nemi sariminyina ya-
gaala ge' yida'daanyaina mi'. Aawa. Yagaalya'
sarimi yiniga wi'na dangadivisagaa' yagaala
savire aaya kaavilyavi jawiranganyideihilyi sa'
sahiri'na. Yunegaa' sarimi neminyina neb-
ulya'na jawiryideihilyireva diraginna limwadi
yemwaaihe.

14 Sinnawi sagaa' neminyina maali'na
yawiretabaai' y' yunegaa' nebulya'na
jawiryideihilyi. Yi daresti. Nemire
Naanga Jizaazare Yirikeriki sarimire nayaa
dimwaalyide'na nemi sariminyine yaya'
munyaba makilaadevaai' y' sarimi nemi
Gotiyare yagaalya' makaboinaavine yaya'
munyaba dimakilyideihilyi.

15 Yi simunya dazasarevi diraginna dara
yawirakiwa'de. Sinnawi sariminyawidaasi
wideinyira. "Yi pigasaai yanga gaimwange'
maapika!" da'muji sariminyawinna ayina
wideinyira.

16 Yi saba nimi mwaala'muji
yihyalya'mava'muji Maazathoniyana kaanya
yamarya'na wideinyi. Yi Maazathoniya
yagalya'mava'muji pigasaai sariminyawinna
ayahi bideinyi. Yi nimi sariminyina
yawimanige. Niminyi kamaranyaasapji nimi
Juthiyana wide'nanyi. Sara yawirakiwa'de.

17 Gatha'darevaka! Sara yawirakiwa'de kiri'
sariminyawinna mabiwa'de. Sarevidaa'nyi

nimi yagaalya' gazare diwa'deinyi daaka! Aawa. "Sara yideinyi," nebwina dadinyainyi. A'mweraavire kilaakejikiyabwina yawirakadinya "Nimi yagaala dad 'Yo! Yo!' kiri! 'Aawa! Aawa!' simunyavi yawirima!" dad yawirakadinyainyi daa! Aawa. "Sara yideinyi," dena yiwa'deinyi.

18 Gotiyai nebulyabwi limwaga'devi nemi kwainaji nebulya'na widadaanyainera. Yi yagaala sa' sariminyine' yihithadaanya' maangevi "Yo!" wa'dori kiri! simunyavi "Aawa!" yawi'manigo' mi'.

19 Sare' darevinyi. Gotiyai nebulya'na yadere Gawaalivaangei Kiraazitiyai Jizaazarina sariminyaba nemi yihiziwaakolyi. Yi nimiji Saailaazalyi Timotilyi saina yihiziwaakoi sahwai pigaa' "Yayo!" pigaa' "Aawano!" kininnakei mi'. Aawa. Yuyagaa' sahwai gamire yune naanga nebulya'na daka yuya sangina "Yayo!" kininnakelyi. Yuyagaa' nebulyabwi kininnakelyi.

20 Sare' darevinyi. Gotiyai yune naanga nebulya'na wijaake gazasa' yi Kiraazitiyai "Yayo!" daka yunebanna sara yakelyi. Sahwari kumire "Yayo!" wiiwar'i. Sarevidaa'nyi Kiraazitiyar'i Gotiyai yune naanga nebulya'na wijaake yunebanna yima'nake'na Gotiyarine yaya' makilya'neina Gotiyari widadaanyi. Nebulyasi. Sara yima'nana!

21 Yi Kiraazitiyar'i wiiamwaihovi neminyi yi sarimi kwaihiri'ji diraginya neyvaimwadei yi yune gami sai Gotiyalyi. Yi sai neminyi

dahilakya'nei gannya Kuryari nemire m+nyag+nyangi dingakelyi.

22 Sahwai neminyina yawi'na “Sahwara diraginna dara yawipika! ‘Nebulyasi. Nem+ Gotiyareinera. Neminyi diraginna nemaredaa'deiner.’ ” Sara yawi'na yaka gam+re yav+kwajike' nejaavada nemi sara y+ma'nya'neinaav+na gannya Kuryari yanga nejaavakelyi. Nabaai nemire simunyangi sinnaw+nya'bisai Kurya Tewaanyari nejaavakelyi. Gotiyai gannya yuya nejaaya'nenna Kurya Tewaanyai pimaginiya naangeva' mena nejaavakelyi. Yi nemi dara yawi'daanyi. Naanga nebulya'nanyasi. Gotiyai gannya Kurya Tewaanyari nejaavake'na divi yuya nejaavadelyi.

23 Nabaai n+m+ sainyi Gotiyai sasarei n+m+nyine jalikurakya'neri jaka widiwa. Yi n+m+ kwaasi diwija' n+m+re gaalyabwi yiwawadesi. Kiri' aawa. N+m+ naanga nebulya'na divanige. N+m+ sariminyi yavada'gaidi taanginya ay+na wijaaya'na “Aala!” diwa'de. Sarev+daasi “Sariminyawi Koridina bideinyi,” diwa'de kiri' n+m+ yarai wiwa'deinyi m+!

24 Sare kirivi nemi sarimire limwangeburi diraginna mamarey+h+mwaalyigo. Aawa. Sarim+re y+laayabwi marima'naabya'na nemi y+h+ye'mwannay+h+vaimwadaanyaine. Sare' darevinyi. Kiraazitiyari diraginna limwangeburi sarimi diraginna mena daa'manigasaihilyi.

2

¹ Yi nɪnnya yune sɪmunyavɪnanya' mena wi'na dara dɪwa. Nɪmɪ sarɪmɪnyawɪnna sarɪmɪnyɪ munyɪ' taanga yɪvalakya'na ayahi mwɪyɪ yɪdeinyɪ. Dena mwɪyɪwa'de.

² Sare' darevɪnyɪ. Nɪmɪ sarɪmɪnyɪ munyɪ' taanginya yɪhɪzaavɪwɪja' yɪ nɪmɪre sɪmunya' yɪlaaya ya'na yɪnɪga wi'na aaihwai yannelaka! Aawa. Sarɪmɪre munyɪ' taanga mena yɪhivalakɪwɪja' yɪ nɪmɪre sɪmunya' yɪlaaya nyɪvalya'nera a'mwera pwara mɪ'.

³ Sarɪmɪ a'mweihi nɪmɪnyɪ yɪlaaya nyɪgaibɪneihɪlyɪ. Sarevɪ sarɪmɪnyawɪnna sarɪmɪre kayaa'nanya' wanganaawɪwɪjɪ kwajɪ sarɪmɪnyɪna nɪmɪre munyɪ' taanga kamaa'mudɪka! “Mi'na kyavada'galapɪri wɪdeinyɪ,” dena sarɪmɪnyawɪnna wɪwa'deinyɪ mɪ'. Sahɪrɪsavɪne'na kɪgaa' paaziya' nɪmɪ yɪhithave. Yi nɪmɪ sarɪmɪ yuyaihɪrɪna dɪragɪnna dara lɪmwamwa'de. Nɪmɪ pɪnɪnna yɪlaaya yɪwɪja' yɪ sarɪmɪ yuyaihi yɪlaaya avaaina yadɪvɪsaihɪlyɪ.

⁴ Sare' darevɪnyɪ. Sagaa' sarɪmɪre mwaalyabwina nɪmɪre munyɪ' taanginya naangesɪ nɪmɪre sɪmunya' daanga naangesɪ kɪnɪnnakeinyɪ nabaai kɪdalaalya kwalaalyangɪ pɪkarya yɪhithave. Paaziya daza' “Sarɪmɪnyɪ munyɪ' yune taanga wivalakɪma!” majena yɪhithave'na mɪ'. Aawa. “Sarɪmɪ ‘O Polɪmɪ nemɪnyɪna tewaanya naanga wɪvu'nɪvanɪkelyɪ,’ yawɪrangabɪka!” dena yɪhithayesi.

Pwai gannya yiwetawakya' wia-galya'mavakeri ayina maaresa'nesi.

⁵ A'mwe akwai gamirebwina kya' kale neyadaa'nyi sai yune nimi gaveinyi kale sa' manyivani'. Aawa. Sahwarina kale kibawenna yuyaihiri yihivani'. Nimi "Savina taanginya naanga nujaav+widika!" yagaala dena "Kibawenna," yihithiwe'nanyi.

⁶ A'mwe dazareri a'mwe kwalaalyaihi mi'na yeve' yi sa' sari wi'nanne' tiviki'mwa'daasasi.

⁷ Sarevidaasi yi dahaa' sarimi mudika piri' pibwi jila! Yi sahwai gannya kayaa'nanyaburina kale nayaa wiadaa'nyi gamire kayaa'nanya sa' yange'na marasi'napiji sahwari simunyavi kave nayaa jivaimwagila! Muni' taanga naanga naange' nebulya'na nagalavilawakadika a'mwe dazari'!

⁸ Sarevidaasi yi nimi yaamiji diraginna dara divanige. Sahwari sarimire kale ya sabwi ayina jivwaridaakwila!

⁹ Sare' dare'nanyi. "Sarimi nimore yagaalya' yuna midibizaihi daaka?" dena sariminyi yaamiji yijwaalya'ne' "Yawiranganide'nanyi," dena sinnawi pikarya piri' a'mwe sarinaji nimi yidavesi.

¹⁰ Yi nabaai sarimi a'mwe sari wagiya' marasi'niwa'daasa' yi nimi kwainyi marasi'niweinyi. Sare' darevinyi. Nimi wagiya' marasi'nya'ne kininnakeinyi daakaji yi sa Kiraazitiyare tinnyari gaimwanga yihya'neinyi nimi marasi'niwengi.

¹¹ Nemi nayaa sara yaana! "Saataani neminyi kwaasi neyoji nanevilawakadika!" dawaaji sara

yaana! Sare' darevinyi. Sahware simunya kayaa'nanyabwi mena yawi'daanyaine. Sare'na taanga naanga sarine nayaa marasi'naana!

Gotiyare nelimwagarika mudikevine widaayadivisaraavinesi.

¹² Pigaasagaa' anga Tirawaazi'na Kiraazitiyare yagaala tewaanya' wijiwaakya'neinyi bil'mavena yi Naangei niminiyi tusa' yiniga wi'na wijiwaakya'na kanyi'baasiwa'di' wijiwaakiwa'de.

¹³ Kir'i' nimiré simunya' kave mwariwa'di'. Niminiyi nya'mwei Taaitazai anga sabanna sariminiyine yagaala mamakabyakeri t'na mwanganyiwa'de. Aawa. Simunya kwalaalya yawi'di' Tirawaazi' mwaalyaraavi' nayaa yagalya'ma'na yena Piroviji Maazathoniyana bena bi'ma'mwa'de.

¹⁴ Kir'i' saba Taaitazari' sariminiyine kadika wi'n'iwa'de'na Gotiyari' nimiti suya wdivanige. Kiraazitiyai yuya kayaa'nanyangiji yuya kayaa'nanyaraaviji' malyavi' mena dathiwagakevidaa'nyi' yuyagaa' Gotiyai Kiraazitiyariji' yaaraya neyadaa'nyi' yilaaya yiwadaanyaine. Yi' sahwai gamire yagaalya' nej'waakada yi' yuya pimagi' wijiwakamaryadaawoji' a'mweraavina Kiraazitiyar'i wibwaridaakwadelyi. Yawita daza' sa' wabatirinya' yuneba winigode'bisasi.

¹⁵ Sare' dare'nanyi. Kiraazitiyarina wijiwakamaryadaanya' wabatirinya' Kiraazitiyar'i yima'naabada yi' Gotiyaryawinna wawode'bisaine. Nemi

wijiwakamaryadaanyagaa' Kiraazitiyai
wivadaihasamaa'manikeraaviji pwara kayaaka
yigainivanigasaraaviji saraayawinna tirinya'
wawodesi.

16 Yi pir'i' daresti. Sahwara kayaaka
yigainivanigasaraavi yi sa' barya'ne
tirinyasi. Yi sa' baryabwi sahwarav
marima'naabathesi. Yi pir'i' daresti. Pwara
wivadaihasamaa'manikeraavi sa' gaalyabwine
tirinyasi. Yi sa' sahwarav gaalyabwi
marima'naabathesi. We! Wawinya daza'
gannya diraginyavi y'niga wi'na aihwai
yannelaka!

17 Sare kir'i' darevinyi. A'mwe kwalaalyara
nigwia maa'nya'nera Gotiyare yagaalya'
yaasiwa' wijywaakadivitabaabitaina mi'. Aawa.
Nemi Gotiyare wawinya daza' ma'daa yi nemi
yaasiwa' kwaasi yagaala damaryadaanyaina
mi'. Aawa. Nemi gamire yagaala yuya
yida'na mijiwodaanyangi. Nemi Kiraazitiyari
wilamwaihoina yi Gotiyare tinnyari Gotiyarine
jalikurakadaa wijywaakivanigo.

3

1 Nemi ayahi yamaasa' yadaa yune neminne
yaya'na munyaba dahamakimanigo! A'mwe
pwara paaziya' kuminne yaya' makilya'ne'
limwamanigatabaabit' a'mwera paaziya sabisa'
neminyine' yihidavesa' negaininikeina dingaka!
Sarimi sasare pikarya neminyine' nayaa
jithavide' negaininikeina dingaka!

2 Paaziya neminne yayavi munyaba
makilya'ne sa' yi sarimi sahwaihilyira. Yi

paaziya dazavire pikarya sa' yi nemire simunyav# wilar#'. Yi dara yawi'dinyainyi. Sarim# yivanigasabwi paaziya'bisabwina dara din# "Pol# Gotiyare wawinya' nayaa yadelyira." A'mwe yuyara paaziya daza' yaw#rangadivi' yi sawwara dangadiv#saihilyi.

³ Sariminyawi nem# nayaa yihithaayo saihi Kiraazitiyai pikarya yidavakeihi ku'maayaba marima'naabahesasi. Yi paaziya daza' sawwai yigiyasi yidavaka' mi'. Aawa. Gotiyai gaalya' kininnakere Kuryalyi sawwai pikarya yidavakesi. Sawwai sipadasikaari Gotiyai yidayaakabaabi' pwaipwairiramaaraka yidavaka' mi'. Aawa. Gannya yikwia' kilaakejikiya simunyangi yidavakesi. Yi sarimire simunyangi yidavakesi.

⁴ Aaya kaavila dazavire yagaalya' yi daresi. Kiraazitiyai negaimwagya'nei gannya diraginya' nejaavan#. Sare'na lika mi yadaa Gotiyari' nebulya'na limwadaa sara nayaa yoinera. Nemire simunya diraginya' sasarevidaa'nyinyi.

⁵ Nebulyasi. Yune nem# sainana yiniga wi'na yaanneina mi'. Sarevi' yi "Yune nem# sainaav#daa'nyi nawi'nya pin# marima'naabadeinera!" madaanna! Aawa. Gotiyai gave pwainanyai sawwai nem#nyine yiniga wi'na yaanne' wakadelyi.

⁶ Yi nem# Gotiyare yagaala nelimwagarika mudikevi' w#dayadaanyaina yiniga wi'na yaanneinaavi' nayaa ney#mav#mwaaihadelyi sawwai. Yagaala nelimwagarika daza' Kiwinyavine pikarya yida'nika sa'bita' mi'. Aawa. Sa' yune Kurya Tewaanya sarengi. Sare'

darevinyi. Kiwinyavire pikarya a'mweraav+ dara wibwaridaakwadesi. Galazeki+vaimwaana! Divaideiginyi. Kir+! Kurya Tewaanyai yagaala tewaanyavina a'mweraav+na gaalyabwi wijaavadelyi.

Gotiyare yagaala nelimwagarika mudikevire byaanna diraginyavines+.

⁷ Yi Kiwinya dazav+ne! Gotiyai silyari y+dayaake! yi dazav+re wawinya! baryabwi marima'naabakebulyi. Nabaai wawinya daza! Gotiyare byaanna diraginya kirisi yima'nakesi. Sarevidaa'ny+ Ne Mozizare sinny+! byaanna diraginya! wannakiki. Yizireliyara byaanna diraginya dazav+na sahware sinny+ki yiniga wi'na baihanareta! mi!. Byaanna diraginya daza! maalika wanny+na yaka divi y+wawaka, kir+! yiniga wi'na baihanareta! mi!.

⁸ Yi kigaa! wawinya sare! byaanna diraginya! kininnakesi. Yi Gotiyai Kurya Tewaanyari a'mweraav+na wijaaya'ne wawinya! yi sa! dazav+ wav+la'da Gotiyare byaanna diraginya! naanga naanga maa'de! daaka!

⁹ Sare! darevinyi. Kiwinya dazav+re wawinya! diraginna nej+da'daa'ny+ nemi dina “Kayaa'nanyabwina nemi baryabwi maranneinera.” Yi sare! kir+! Gotiyare byaanna diraginya! kininnakesi. Sarevidaa'ny+ yagaala mudika dazav+re wawinya! dade! “Kurya Tewaanyar+na sahware y+da'maraangerera,” yi daza! Gotiyare byaanna diraginya naange! kininnake! wawinya pir+vi naanna wav+la'desi.

10 Sare' darevinyi. Yi Kiwinyavire wawinya' byaanna diraginya' maryaakesi. Yi sare' dahaa' kunesira. Wawinya mudika daza' yi savi yune diraginna wavila'da nemi yawi'daanyi. Yagaala mudikevire byaanna diraginya yune naange' warikev+daa'nyi Kiwinyavire' mwarika!

11 Sare' darevinyi. Kiwinyavi wawinya daza' Gotiyare byaanna diraginyasi yi'ma'nake' mena yiwia'nesi. Kiri' Kuryarine wawinya daza' Gotiyare byaanna diraginya' kin+nnake' yuyagaa' waragwothesi. Sare'na sahiri' ayavi yune naanga naanga wavila'desi.

12 Sarev+daa'nyi yagaala sare' kin+nnakeina “Byaanna sa' waragode'nana,” diraginna limwadaa nemi lika mi yadaa ku'maayaba yagaala sa' nayaa yida'na jalikurakadaanyaine.

13 Nemi Mozizaibi' yadaanyaina mi'. Sahwai gannya sinnyiki kwaabihannyabaalyi kawaaka yirakinakelyi. Yi byaanna diraginya daza' maali'na yiwina yaka yinahu naanga yuya' yiwina yaake'na “Yizi+reliyara sa' tinna nanyangabithika!” daka kawaaka yirakinakelyi.

14 Yi Mozizare wawinya' sahvara nayaa myawiri. Aawa. Kumire simunya nebulya'na bipale'na yakengi. Sare' darevinyi. Yuyagaa' sahvara Gotiyare yagaala w+limwagaraka ayavire yagaalya' dangadivi' yi yagaala savi kwaabihannya daza' kuna war'i. Yi dahaakigaasi kuna mu'nyadiviki. Sahvara kwaabihannya sa' mamarasi'nyasi. Yi Kiraazitiyai gave pwainanyari' sahwarina Gotiyai daza' marasi'delyi.

15 Aawa. Gazagaasagaa' sahvara Mozizare

yagaalya' dangadiv# kwaab#hannyabaai kum#re simunyang# bwakal#mwagar#'. Sahwara myaw#ryadiv#iki. Yi dahaak#gaasi kunanyi#.

¹⁶ Kir#' gazagaasagaa' pwai kwai Naangeryaw#nna kag#ny#wagozi y# sahwari# simunyaw# kwaab#hannya daza' marasi'nadely#.

¹⁷ Yi Naangei sai Kuryaly#ra. Nabaai Naangere Kuryai a'mwe pwar# mwaali#. Yi aawa, yuya p#ni# yagaala wij#mwagaraka ayavi a'mwe sahwari#wila y#rak#van#kai mi#. Aawa. Sai sah#banna tewaanna mwaali#.

¹⁸ Yi nemi# yuyaina nemi#re sinny#kaavi# lika yulyakya'ne maayaina mwaiihoinera. A'mwera sin#mwavananya yennadiv#tabaabi# nemi# Naangere byaanna d#rag#nya' wangadaa Naangere a'mabaalyaina y#ma'n#van#go. Yi Naanga sahwai, Kuryai gannya byaanna d#rag#nya daza' nayaa marima'naabya neyadaa'ny# yuyagaa' nemi# byaanna d#rag#nya' naanga naanga ma'daanyaine. Yi Naangere a'mabaalyaina kuna y#ma'nadaanyaine.

4

¹ Sarev# Gotiyai kale'na negaimwagakabaabi# waw#nya naw#'nya daza' w#dayadaanyainaav#na nejaavakes#. Savi y# nemi# waw#nya daza'na d#rag#nna dadaa maa'na ney#deina mi#.

² Aawa. Nemi# wag#la kin#nnakebwi lika yulyar#kebur# bule'nanya' mena w#javadaanyaine. Nemi# kwaasiya sabur# yamaryadaanyaina mi#. Sara myadaa y# nemi# Gotiyare yagaalya' marav#la'nya yadaanyaina

mî!. Aawa. Nemi Gotiyari tinnyari yagaala nebulya'nanya' ku'maayabanna marima'naabya yadaanya' yi a'mweraavîre simunya gazarîzari dara yîbwakîdivîsasi. Yi apozeliyara sareraavîne yaya' munyaba makîlaana!

³ Kirî! nemi yagaala tewaanya daza' wîjîwakadaanya savî kawaaka yîrakînaja' yi sa' a'mwe saba sana yîwîna ya'neraavîna kawaaka yîrakîvanîkesî.

⁴ Yi dathahaasaraavîre gotiyai Saataani a'mwe sahwara Kîraazîtiyari malîmwagyadîvîta dazaraavîre simunyangî gidîravalîmwagata yadelyî. Yi yagaala tewaanyavîne' Kîraazîtiyare byaanna diragînyavîre baake' kumîre simunyangî yînîga wî'na wannade' mî!. Yi sarevî tîhîralîmwagata yadelyî. Yi sahwara Kîraazîtiyari tînna mwanganyadîvîsalyî. Yi sai Gotiyare a'mabaala nebulya'nanyalyî.

⁵ Sare' darevînyî. Nemi yagaalya' yune nemînyîne' wîjîwakadaanyaina mî!. Aawa. Nemi yagaalya' dara jalîkurakadaanyaine. Kîraazîtiyai Jizaazai sai Naangelyî. Yi Jizaazarîna nemi sarîmîre yîhîthayadaanyainera.

⁶ Sare' dare'nanyî. Sinnawî Gotiyai mena jaakelyî “Jîhînyavîdaasi baake' mwadana!” Yi Gotiyai sarei gamîre baake' nemînyîne simunyangî banemwadakesî. Gotiyare byaanna diragînya' Kîraazîtiyare sinnyîkî warîke' nemi yawîranganya'neinaavîna baaka sa' banemwadakesî.

⁷ Nabaai kirî! nawî'nya daza' kînînnakeina, kwadîka yaasiwa'nanyaraavî Gotiyai nawî'nya daza' maradîngîkakabaaibîsaine. Gotiyai

“A'mwe yuyara diraginya nawi'nyaange' yawirangabika!” kada' dara yima'nakesi. Diraginya naanga daza' yune nawi'nya' yi sa' Gotiyare diraginyasi. Sa' yi nemire' mi'.

⁸ Yi nemire wawinya' yadaa yuyanna neminyi taange' neyima'nadeine. Sare kiri' sa' kayaaka nebulya'na neyigalakadeina mi'. Yawita kwalaalya nemire simunyangi nerihiralimwaga'dengi. Sare kiri' nemire simunya yunebanna yiwya yada mi'.

⁹ A'mwera “Sahwaraavi kayaaka yigalaana!” dadivi' nega'mijamakwodivisaine. Sara neyadaapiri kiri' Gotiyai neminyi neyagalya'ma'dei mi'. Sahwara neminyi mala neradaapiri wala'daanyaine. Sare kiri' Gotiyai negaimwadaa'nyi nemi kayaaka nebulya'na yidaanyaina mi'.

¹⁰ Yuyagaa' nennya kilaakejikaavi Jizaazare baryabwi ma'daanyaine. Yadaa kaanya yamaryadaanyaine. Gotiyai neminyina “Jizaazare gaala sabwi kibulyi kumire kilaakejikaavi ku'maayabanna yima'naabana!” kada' sareina kaanya yamaryadaanyaine.

¹¹ Sare' darevinyi. Yuyagaa' gaala mwaidaanyainaavi Jizaazarina a'mwera a'mwatamakya saza baryaburi nemarimwangadivisaine. Gotiyai neminyina “Jizaazare gaala kibwi yi kumire kilaakeji' balya'nejiki ku'maayaba marima'naabana!” kada' nemarimwangadivisaine.

¹² Sarevi barya sabwi neminyi neyadesi. Kiri' Gotiyai gaalyabwina sariminyi yihyadevulyi.

¹³ Neminyina Kuryai diraginna limwangebwi

nejaavakeine. Yi sasare dazabwi Gotiyare bukuya' yida'nikabaaibisari avaaina wijayaakesi. Yi dara dini' "Nimi Gotiyari diraginna mena limwagevi yi yagaalya' wideinyi." Limwanga avaalyabwi maaroina kwainaji diraginna limwadaanyavi yagaalya' widadaanyaine.

14 Yi nemi mena diraginna yawi'manigo. Gotiyai Naanga Jizaazari yidikaavakei yi sahwai nemi Jizaazalyiya kwainaavi neyidikaavadelyi. Yi neminyiji sariminyiji sainaavi nemakwawoji gaminyaba gidihusaba nemwaaihadelyi.

15 Sare' darevinyi. Yuya daza sariminyi gaimwagya'ne neyima'nivanikengi. Gotiyai "Nimire yanga gaimwangebwi a'mwe kwalaalya naanga naangeraavi yunebanna wiwarana!" kada' sara neyima'nivanikengi. Yi yuya sahwara Gotiyari suya naanga naange yipi'de'nanyi. Sara yadivi' gaminyane yaya' munyabanna makibi'dere.

16 Dazahirivi yi nemi Gotiyare yagaalya' diraginna dadaa maa'na neyideina mi'. Aawa. Nemire kilaakeji' kayaaka kuna yade kiri' yuya yirika sariki yuyagaa' nemire kuryai mudikei diraginyai yima'nadelyi.

17 Yi daresi. Gotiyarina nemi dara yawi'daanyi. Taanga neminyi neyima'nade daza' wana maalikesi. Yi sa' wana kibawe maalikegaa' waradesi. Nabaai taanga wana maalika sa' divi sagaa' neminyine wana nawi'nya' byaanna diraginya naange' kininnake' marima'naabathesi. Nabaai wana nawi'nya' taanginya maaitaaya savi yuna

wavila'de' yi yuyagaa' yuyagaa'nesi.

¹⁸ Yi nem# Kwaaka davakiyang# taanginyang# tinnyaly# wangadaanyang# diraginna myaw#ranganyadaanyaine. Aawa. Sigunyav#yang# tinnyaly# mwanganyadaanyang# diraginna yaw#rangadaanyaine. Sare' darev#nyi. Yuya nem# tinnyaly# wangadaanya sa yune maalikegaa'na waradeng#. Yi daza tinnyaly# mwanganyadaanya sa, sa yuyagaa' yuyagaa' waradeng#. Sara yaw#'daa diraginna dadaa maa'na ney#deina m#.

5

¹ Sare' darev#nyi. Nem# Apozeliyaina mena dara yaw#manigo. Kwaaka davakiya kilaakeji' siminangebita savi wilamwaaiho. Nabaai sa' wo'dalasi'na y#naja' yi nem# ange' piri' kin#nnakeine. Yi sa' Gotiyai nejaavadesi. Anga daza' a'mwera asaji' mannika'na m#. Sa' Sigunyavi war#ke'na yada yuyagaa' yuyagaa' waragwothe'na.

² Sare' darev#nyi. Dahaa' nem# anga dav# simuy#waala yaw#mwaain#vanigo. Nem# teawaanya diraginna dara nevu'n#van#ke'nanyi. Nem#re anga daza' Sigunyavi war#ka daza'na sara wa'da nem#re kilaakejik# baaz#ma'nya'bi' bwakal#mwagata neya'ne'na simuy#waala yaw#mwaain#vanigo.

³ Nebulyasi. Divi anga daza' Gotiyai t#vi'na bwakal#mwagata neyaja' nem#re kuryara kunera yaasiwa'na mwaai#nera m#.

⁴ Sare' dare'nanyi. Nebulyasi. Nem# siminanga dazavi kuna mwaaihoina

Sigunyaviyavina taanginya yibwakidaa simuyiwaala yawi'mwaainivanigo. "Nemi kilaaka sinnawinyaji' yagalya'mavaana!" myaw+rivanigo. Aawa. Sa' maalikesi. Nemi "Kilaaka gaala nebulya'nanya dazaji' kilaaka barya ya'ne dazajiki' naanga naanga galawilawakana!" dawaaji' baazi'ma'nya mudike'bi' baazi'ma'naade'nanyi. Yi sare' naangesi.

⁵ Gotiyai gami' sai neminyi' gaala dazahiri' maarya'neinaavi' mena neyoviravamwaaihakelyi. Yi sahwai Kurya Tewaanyari' mena nejaavakelyi. Kurya Tewaanya sai divi Gotiyai yuya nejaaya'ne pimaginiya aaya mudinanya sa'bsalyi. Yi Gotiyai sahwari' mena nejaavake'na nemi' dara yawi'manigo. Naanga nebulyasi. Sahwai gamire yuya nayaa nejaavadelyi.

⁶ Sarevadaa'nyi' yi nemire kilaaka mudikeji' nejaavade daza' yuyagaa' nemire simunya' diraginiya neyvaimwadesi. Nemi' dara yawi'manigo. Dahaa' nemire kilaakeji' ange'bisavi' mwaaiho'na Naangeri' yibwa'nona sahwalyi' gamire angeba mye'mwannamwaalyigo.

⁷ Sare' darevinyi. Dahaa' nemi' gaminyi' limwaga'daa yamarivanigo. Nemi' sahwari' tinna mwanganyadaa yamarivanigo.

⁸ Yi nemi' diraginiya neyvaimwannikeine. Sara tivi'na diwo. Nabaai neminyi' tewaanya dara nevu'nivani' "Kilaaka dathazikidaasi yibwa'nawaaji' Naangeryawinna gamire angebanna sahwalyi' tewaanna

ye'mwannamwalaade'nanyi. Yi sa' tewaanyasi.”

⁹ Sarevi nemi simunya diraginna yawi'daanyaine. Yi nabaai nemi sahwalayi ye'mwannemwalaaja' yi nemire anga nebulya'nanyavi yibwa'naaja' Naangerina yuya sabura ya'na sahwaru yilaaya wigalaade' naangesira.

¹⁰ Sare' darevinyi. Kiraazitiyai yawibwarya'ne namwaalyisavi nemi yuyaina ku'maayabanna nayaa yima'nabaatheine. Yi nabaai nemijiya gazaizarina Gotiyai “Tewaanyabwina yadei yi sai kilaakejiki wilamwaaida yakebwina tivikita nawi'nya maarana! Nabaai pwai sagaa' kayaa'nanyabwi yadei yi gannyabwina tivikita kayaa'nanya maarana!” kadozi sahba davaadeine.

*Apozeliyara Kiraazitiyai Gotiyariji
avaaizimunya'na neye'mwagakeburi
widaayadivisavinesu.*

¹¹ Sarevidaa'nyi Naangere diraginyavina lika yabwi yawi'daa a'mweraavire simunya dihaa'bwata yadaanyaine. Yi Kiraazitiyari diraginna limwabi'de'na widadanyaine. Kiri' Gotiyare tinnyari nemire tewaanyabwi ku'maayabanna mena yima'naaba'. Yi nabaai nimi dara limwamanige. Sarimi kwaihire simunyara padaihirakyaaravi sabwi ku'maayabanna yima'naabake' dingaka?

¹² Yagaala dazavi sarimi neminyina “A'mwe nawi'nyarera,” dineyawiryide'na mihizivanigo. Aawa. Yi daza' sarimi neminne yaya' munyaba makilya'neihire

tusa' baasivanigo. Kiri' sarimi sahirina mi'. A'mwe pwaraavinyi. Yi sahwaru yune kunnya sinna mwasimaginyavina kumire yaya' munyaba yaaswa' makinadivisare. Sahwaru simunyavina yaya' munyaba nayaa mamakinyadivisaraavinyi. Yi sahwaravinyi wi'na wirivikipine'nanyi.

¹³ Sare' darevinyi. Pwara neminyina dara yawipija' "Sahwaru siduta maaya navi'navikera sara yivaniga'," kiri' nemi Gotiyarine'na yadaanyaine. Kiri' nemi simunya yida'na yawidaa nemi sariminyi gaimwange'na yivanigo.

¹⁴ Sare' darevinyi. Kale Kiraazitiyare yune sa'na wawinyavi neyidikaabwa'desi. Yi nemi mena dara yawibwa'manigo. Pwai kuminyineba yunebanna wivadaihasamaarya'nei mena balina yakevadaa'nyi yi dazavi kumi yuyara mena bainikerabisare.

¹⁵ Gotiyai "A'mwe gaala mwaaihata sara yune kumi saraavina yawi'divi' mamwaaibina! Aawa. Yune sahwaru kuminyine'na mena balakeri ayina yidikaavei yune sahwarina yawi'divi' gaminyi yadivisa'na mwaajibika!" kada' yuyaraavine'na mena balina yakelyi.

¹⁶ Sarevi sagaa'daasi nemi kilaakebulyiya simunya savire saburina a'mwe aane pwaru kwari mamaryawibwarivanigo. Nebulyasi. Sinnawi nemi simunya savire saburina Kiraazitiyari sara maryawibwaroina dingaka? Kiri' dahaa' sahwaru nemi sasara kuna mamarayawibwarivanigo. Aawa. Gamire nawi'nyabwina nayaa yawirangamanigo.

17 Sarev# yi nabaai a'mwe kwai Kiraazitiyar# wilamwaalajai yi Gotiyai a'mwe sahwari yuna mudika tewaanyar# mena wimwaaihadelyi. Gaminyina sinnawinya ayabwi yuya yiwiya yadengi. Yi#thaanyi! Gaminyina yuya mudikebwi mena yima'naabadengi.

18 Yuya dazangi aaya kaavilyai Gotiyalyi. Yi sahwai Kiraazitiyarina kigaa' yikamaangeina mwaaloinaji gamiji avaaizimunya'na neye'mwannamwaaihakelyi. Yi nabaai sahwari gaimwagya'ne' gamire yikamaangeraavi sahwariji avaaizimunya'na ye'mwannayima'nya'ne' wawinya' mena nejaavakelyi.

19 Nemire yagaalya' darsi. Gotiyai a'mwe Kwaaka davakiyara yikamaangeraavine yuya yiwetawakya yikamaangeraji avaaizimunya'na ye'mwannayima'nakesi. Yi Kiraazitiyar# sahwai yuya yiwetawakya sahwara yeta sanna simunya ayahi yawirakai mi'. Yaka sai neminyi gamire yagaala daza' wijiwaakya'ne', yikamaanga sara gamiji avaaizimunya'na ye'mwannayima'nya'ne' newakakesi.

20 Sarev#daa'ny# yi nemi Kiraazitiyare maangi' ma'daa sahwari#neba a'mweraavi wijiwakawadaanyaine. Yi dare'. Gotiyai gami sai a'mwe yuyaraavi nemire maangisi wiji#vwaramaa'mani'. Kiraazitiyai gami sarine'na sahwaraavi dara yidangadaanyi. Akai, sari#mi Gotiyar#na yikamaanga sabwi yagalya'mavapi Gotiyalyi avaaizimunya'na yima'napiji je'mwannamwaalyila!

21 Sare' darevinyi. Kiraazitiyai

kayaa'nanyabwi maayai kiri' Gotiyai yuya
 kayaa'nanya nemire sa mari'bwarak
 yune sarina munyaba yilakaka yi
 sahwari kayaa'a'mwe nebulya'nanyari
 wimwaaihakelyi. Neminyina Gotiyai
 "Kiraazitiyari wilamwaalya'nera nimir
 yida'maraangebwi kininnakera yima'nipika!"
 daka neminyineba sara wimwaaihakelyi.

6

1 Nemi Gotiyalyi wawinya
 ye'mwannayadaanyaina sariminyi diraginna
 dara yihithivanigo. Gotiyare yanga
 gaimwangebwi mena daape'. Akai, gaimwanga
 sa' sarimi yaaswa' saba sana yagalya'ma'na
 nyipidika!

2 Sare' darevinyi. Gotiyai jaa'. Dara dini'
 "Nimir naw'nyagaa' kadika gu'neinyi.
 Yirika wivadaihasamaasa'neriki
 ghaimwageinyi."
 Nimi yihithivanige. Yithaanyi! Dathahaasagaa'
 gami naw'nyaangegaaki. Yithaanyi! Dahaa'
 yirika wivadaihasamaarya'neriki.

3 Yi a'mweraavire sivilyangi kurinoji sahwara
 walarya'ne nemi kayaa'nanya aane pir'
 kiri' yadaanyaina mi'. "Nemi kayaa'na yaaja'
 a'mwera tinna wanganapiji nemi Gotiyare ya
 gaalya' wijiwakadaanya wawinya dazavina sahwara
 yagaala kayaa'nanya' nadipidika!" dona
 kayaa'nanya aane pir' kiri' yadaanyaina mi'.

4 Aawa. Yuyangi Gotiyare widaayadivisara
 nayaa yadivitabaai' nemi yuyaraavina
 Gotiyare yagaalya' widadaanyavina

tewaanyabwi wibwar#dakwadaanyaine. Yi yuyangi dara yadaanyaine. Kwalaalyagaa' kayaa'nanyangi d#rag#nna nebulya'na da'daanyi. Yi taanga ney#ma'nadaasi, yi taanginya ney#ma'nada, yi kayaaka yin#g#rasaina mwaidaanyi.

⁵ A'mwera nem#nyi malyaji nerad#v# kalavuzana ney#rakad#v#saine. Yikamaangera nega'm#jamakwod#v#1 jaka kayaa'nanya nedad#v#saine. Nem# yag#yagi waw#nyav# nebulya'na marulawak#daanyaine. Saw#ta kwalaalyangi se mwaryadaanyaine. Nem# m#j#na mwaidaanyaine. Sarev#daa'ny# pwarana dara yaw#ranganya'nanyi "Taanginya wiadaa'ny# kir#1 Gotiyare waw#nya' kuna yad#v#ta sahwara Gotiyare widaayad#v#ta nebulya'nanyarera."

⁶ Nem# tewaanya y#da'nanyabwina yadaanyaine. Yadaanyagaa' yaw#ta naw#nyabwi limwaga'daa mayagaala yarai dadaanyaina m#1. Nem# a'mweraav# tewaanya naw#nya pada'galayadaanyaine. Nem# Kurya Tewaanyare yange kin#nnakeine. A'mwe Kiraaz#iyareraav#na tewaanya nevu'nya sabwi yune maangi'nanya'na m#1.

⁷ Nem# yagaala nebulya'nanya' w#j#wakadaanyaine. Nem# Gotiyare d#rag#nyav# gam#re waw#nya' yadaanyaine. Sareinaav#na pwarana nayaa dara yaw#p#ne'na "O, sahwara Gotiyare widaayad#v#ta tewaanyara daaka!" yi nem# sara yadaanyaine. Nabaai tewaanya y#da'maraangebwi limwaga'daa, aangas#r# kwaari'mas#ram#nya' wa'da kwanaamir#

saabya' wa'devaaiḃi' kayaa'nanyabulyi nemi mala tannadaanyaine.

8 Nemiḃinyine wawinya'na a'mwe pwara nemiḃinne yaya munyaba makidiḃisaine. Yi pwara nemiḃinne yaya kwaakewi marulawakadiḃisaine. Nemiḃinyina pwara yagaala kayaa'nanyaji bulayagaalyaji dadidiḃisaine. Yi pwara a'mwe pwaraavi nemiḃinyina wiḃdadidiḃisaine “Sahwara wawinya' tewaanya yadiḃisarera.” Apozeliyaina Gotiyare wawinya' kuna nayaa yadaanyaine. Yi a'mwe pwara nemiḃinyina yagaala ge dipija' nayaa yadaanyaine. Pwara nemiḃinyina dara yawi'didiḃisaine “A'mwe sara kwaasḃ yagaala dadidiḃisare.” Kiri' aawa. Nemi yagaalya' nebulya'na dadaanyaine.

9 Pwara neyawirangadiḃitaina mi'. Kiri' a'mwe kwalaalyara neyawiranganamaa'didiḃisaine. Nemi baidaa kiri', yiḃthaanyi, nemi gaala kuna mwaiho. Gotiyai nemiḃinyi yavada'gala ya'nei tamamwaihaderabisaine. Kiri' sahwai yuna maneramakyadeine.

10 Nemiḃinyi kale neyivani'. Kiri' yuyagaa' nemi yiḃlaaya yadaanyaine. A'mwe giḃlyivita maayainabi' mwaidaanyaine. Kiri' nawi'nya kininnakeina nebulya'nanya a'mwe kwalaal-yaraavina wijavadaanyaine. Nemi giḃlyivita aane piḃmili' kimiḃili' kininnakeina mi'. Kiri' yuya nawi'nya gazaza limwagakoine. Yi yuya sanna yadaa dara wibwaridaakwivanigo. Sahwaina Gotiyare wiḃdayadaanya nebulya'nanyaine.

11 Sariḃi Koridi mwaalyaihi, nemi sariḃinyi

yagaalya' ku'maayaba jalikurakya'neina maanga naangeva'na tavadiwo. Nemi sariminyi maarya'neba nemire kale naanga yima'niwa'.

12 Nemire simunya' sariminyina tihirakamaremwaala miwo. Aawa. Neminyi sariminyina tewaanya nevu'nivan'. Kiri' sarimi saihi sarinnya simunya' tihirakamaremwaaiha'. Yi nemiji' avaaizimunya nebulya'na mamwaalyiga'.

13 Ganimaangei gannya kaimiraayangwi widadevaaibi' dahaa' yihithivanige. Nemire dazabwina ayina tivikiryane' neminyi maarya'neba sarimi kwaihiyi sarimire kale naanga yima'nana!

14 Mu'nyadivisara sahwaraya pwarabisare. Sarimi kumirebwina mye'mwannayamaripina! Yadivi' kunnya sahwaravire saburi gaimwanga mipina! Sare' darevinyi. Yida'maraanga sabulyi' kiwinyavi galazekivala sabulyi' sawaai gatha'dara ye'mwannayikadewaalaka! Baakesi jihinyasi gatha'dara ye'mwannayirakurikadewaalaka!

15 Nabaai Kiraazitiyai Kamaalyalyi avaaizimunya'na ye'mwannadatheidi ngaka! A'mwe Kiraazitiyaridi raginna limwadelyi Kiraazitiyaridi malimwagyadelyi saraai simunya gave piri'na limwagikaderaai daa!

16 Gotiyare anga tewaanyasi kwaasigotiyaraji marirakurakipi'de' daaka! Sare' darevinyi. Nemi Kiraazitiyareina Gotiyai gaala kininnakere anga tewaanyasira. Gotiyai jaakabaaibisasi. Yi dara din'

“Nimi sahwaravi wlamwaalideinyi.

Sahwaraayaba kaanya yamarideinyi.
Kumire Gotiyainyi mwaalideinyi
Niminyine a'mwera mwaabi'dere.”

17 Sarevi Naangei ayahi pirisi jaa'

“Pwaraavi tinnyaba nayaa jahalya'mayila!
Sahwaraavi menyawi sarimi dimwaalyila!
Girikita'nanya aane piri' kiri' malimwabina!
Nimi sainyi sariminyi yihimaarideinyi.”

18 “ ‘Nimi sariminyi Sirinimaangeinyi
mwaalideinyi.

Sariminyi gwaalaangeihilyi nyiraavaangengihilyi
dimwaalyideihilyi!’

Naangei diraginya yuya kininnakei sasara
dadelyi.”

7

1 Sariminyina tewaanya nyivu'nadeihi,
yuya daza, Gotiyare yune naanga nebulya'na
wija daza mena kininnakeine. Sarevidaa'nyi
yi nemi yuya girikita'nanya kilaakejikiyaji
kuryariyaji duimwagasi'naana! Sara yawaaji
tewaanya yida'maraangeina mwalaana! Sare'
nemi Gotiyare diraginyavina lika yadaa
nawinya giri'maayabwi yuyagaa' yunebanna
neyima'nade'nanyi.

2 Sarimire simunyi neminyineba
dinebasamarimwaaihila! Nemi sarimijiya
a'mwe aane pwar' kwar' yiwetawakya piri'
myadaanyaine. Nemi aane pwai kwar'
kayaaka migalakyadaanyaine. Nemi aane
pwai kwar' kwaasi widadaa gamire gilyivisa
mamwagi'nyadaanyaine.

3 Nimi sariminyi yaasiwa' yagaala yihizidaya'ne' majivanige. Sare' darevinyi. Nimi mena dara diwa. Nemire simunyavi sarimi wlamwaaiha'. Sarevi yihigaimwagya'neina sarimi kabalapi nemi sarimiji ye'mwannabaina yaade' tewaanyasi. Yi nabaai sarimi gaala kuna kamwaalapi nemi sarimiji gaala ye'mwannamwaaina yaade' tewaanyasi.

4 Nimi sariminyina yilaaya yadi diraginna yawi'di ku'maayaba yihizalukurakyivanige. Nimi sariminyina w'nena sariminyine yaya' munyaba makimanige. Yuya taanginya neyima'nade sangi sarimi yiwa'daasa'na nimire kuryari yunebanna nyivaimwamani'. Nabaai yilaaya naange' niminyi yuneba yeku'nawiresi'mani'.

5 Taanginya sare' darevinyi. Sinnawi Piroviji Maazathoniyana bi'ma'mwa'dohaa' dazimagi kimagiji nemire kilaakejiki kwaamu'na mamwaalyiwa'do. Aawa. Taanginya dala pininna pininnanya neyima'nawa'dikengi. Yi mwasimagi neminyi maiyagaalyaji maangeji warina. Yi kusimagi nemi lika yina.

6 Sare' kiri' taanginya kininnakeraavi yivaimwadei Gotiyai neminyi neyivaimwamwa'. Yi sai Taaitazari maryasaabakei neminyabanna bi'ma'mwakevi sai nemire simunyavi neyivaimwamwa'.

7 Taaitazai neminyabanna bi'ma'mwake'na yune dazahirivina Gotiyai neyivaimwamwake' mi yiwa'. Aawa. Sarimi Taaitazare simunyavi yivaimwanna kiwa'daa' sahwai yagaala datha' makabiwakevi Gotiyai nemi

kwainaavire simunyavi neyvaimwamwa'. Taaitazai dara nediwa'. Sarimi niminyi tinna wanganya'na tewaanya yihivu'nada yi sarimire simunya' kinna divani'. Sara yadivi' nimiji avaaizimunya'na ye'mwannamwaalya'na sarimi simunya kwalaalya yawi'maniga'. Sarevīdaa'nyi nimi yilaaya naanga naanga yivanige.

⁸ Sare' dare'nanyi. Nimire pikariyikwiavi yagaala diraginya' sarimire kale yihigaimwa'dika kiri' yi nimi yagaala dazavina nimire simunya' taanga manyivani'. Nebulyasi. Kigaa' sagaa' simunya' taanga nyakeinyi. Kiri' dahaa' aawa. Nimi dara yawirangamanige. Paaziya daza' sariminyi simunya' kale yihigaimwa'dikesi. Kiri' nabaai sa' maalikegaa'nesi.

⁹ Dahaa' nimi yilaaya yivanige. Sarimire simunyavi kale yihigaimwa'de'na yilaaya mivanige. Aawa. Simunya' kale yihigaimwa'de' sarimire simunyavi mudikebwi yawiramaa'mwa'daasa'nanyi. Sare' darevinyi. Sariminyi simunyavi kale daza' Gotiyai marayihima'niwa'daavadikesi. “Nemire paaziya'ya yagaalya' Koridi mwaalyaraavi kayaaka aane pimi'li' kimi'li' nyigalakadika!” kado Gotiyai sara yiwa'dikesi.

¹⁰ Sare' darevinyi. Kale daza' Gotiyai marima'naabade daza' yi nem' a'mweinaavi simunya mudikebwi neyadesi. Yi sasare dazaburi Gotiyai neminyi nevadaihasamaa'delyi. Sarevi simunya mudikebwina nemire simunyavi taanga maneyanna! Kiri' kale wiabwi yaasiwa'nanyabwi a'mwe

Kwaakevakiyaraavirebwi yi daza' baryabwi gavebwi marima'naabadesi.

11 Sare' darevinyi. Yithaanyi, Gotiyare kale daza' yi dazahirisa' sariminyi dala pininna pininnanya tewaanya nawi'nyabura yihimarima'n'iwa'daavadikesi. Yavada'galya'na sariminyi mwolavalimwagata yhiwa'dikesi. Yi yagaainakeihi sarimire yagaalya yavada'gaimwa'daasange! Yi Gotiyai yihidikaabwa'de' yi sarimire yiwetawakya'na wagi la maa'mwa'daasave! Yi Gotiyare diraginyavina lika naanga yiwa'daasave! Neminyi tinna wanganya'na sarimire simunya' simuyiwaala yiwa'dikeve! Yi tewaanya'na diraginna yadivi' kayaa'nanya'na diraginna nayaa yiwa'daasave! A'mwe dazai yiwetawakya'na tivikita naange' yiwa'daasave! Yuya sangi sarimire sabwi gamire yiwetawakya savina ku'maayaba dara yima'nivani' "Sarimi yiwetawakya' maayaihilyi."

12 Sarevi, sinnawi sariminyi paaziya' yidave' daza', yi a'mwe dazai yiwetawakya mena yaka gave sarina yawirena yidave' mi'. Nabaai sahwai a'mwe pwar' kayaa'nanyabwi yingakakerina gaverina yawireinyi mi'. Aawa. Nimi sarimire simunya diraginyabwi ku'maayabanna marima'naabya'na yidavesi. Yi Gotiyare tinnyari sarimi tewaanya nawi'nyabura neya'neihi neminyina tewaanya yihivu'nivanike'nanyi. Sarimi sara yawiramaata'ne' yidave'nanyi.

13 Sarevi nemire simunyavi tewaanya neyivaimwadivisaihilyi. Sare kiri'

neyivaimwange' gave' mi'. Nemi yilaaya naanga yuna yivanigo. Sarimi yuyaihi teawaanna yadivi' Taaitazare kuryai kave mena yimwaaihivanigasa'na sahwai yilaaya yivani'. Gamire yilaaya sasare dazabwi wangadaa yi nemiji yilaaya naanga yuna yivanigo.

¹⁴ Sare' dare'nanyi. Sinnawi nimi Taaitazari widadi sariminne yaya' munyaba makile daza'na, yiwetawakya mye'na, nimore yagaala dazavi wagila mamaariwa. Aawa. Yuya yagaala nemi yihitho daza yi naanga nebulya'nanya warikabaabi' yi savi Taaitazaryaba sariminne yaya' munyaba makilo yagaala daza' yagaala naanga nebulya'nanyasi.

¹⁵ Taaitazai sariminyawinna kabi'mava' yi sarimi "Yiwetawakya nyaadikaji," lika yiwaineva sahwari maaresalyi. Yi sarimi yuyaihi sahware yagaalya' midinna yesaihilyi. Sahwai yune dazahbwina yawi'da yi gamire simunyi yawiririkirakya sariminyawinna yuna wa'daawadelyi.

¹⁶ Dahaa' nimi nebulya' diraginna dara limwamwa. Sarimi saihi yuya yidata sabura nayaa nebulya'na jideihilyi. Yi sasare saburi nimi yilaaya yivanige.

8

Kiraazitiyari *limwadiwisara*
kwiyamweraavina yanga wijaavesa'nesi.

¹ Nya'mweihii, dahaa' nemi dara
yihiziwiryana! Piroviji Maazthoniya
Kiraazitiyare kusilaanyangiyaraavi Gotiyai

yanga wigaimwadaa'ny# sahwara naw#nyina y#waasare.

² Kiraazi#iyar#na sahwarav# taanga naange' kima'na' y# sahwarav#re s#munyav# taanginya sabwi yaam#ji y#i#waala yakebuly#. Y#i#waala dazabur# sahwara kayaa'na nebulya'na mwaale-sare. Kir#' sahwara yune y#laaya naanga neb-ulya'nanya' k#n#nnakere. Nabaai sahwara yune kewew#n# g#ly#v#ta maayare. Y# sarev# daza-hwara p#w#nya kw#ya'mweraav# gaimwagya'ne s#munya d#rag#nna nayaa yaw#ramaa'd#v#sare.

³ Sare' dare'nanyi. N#m# nayaa wangad# jalikurak#van#ge. Kum#re n#gwia maal#keng# n#gwia yanga w#jaaya'ne k#n#nnakera yune sara w#jaavad#v#sare. Yo, sah#bur# wav#la'd#v#l' n#gwia p#n#ji w#jaavad#v#sare. Kunnya s#munyabur# m#d#d#v#l' n#gwia daza wakad#v#sang#.

⁴ Y# sahwara nem#ny# d#rag#nna nedad#v#l' y#daanganna “Waw#nya Gotiyare tewaanyara Juth#ya mwaalyaraav#ne yanga gaimwange' nem# w#jaaya'neinaav# d#nej#la! ‘Naanga sabwi mi nyaad#ka!’ dona y#h#th#van#go. Kave mwaaihasa' aawa! Kus#laanyangi#ya pwaraj# sara y#rakurayaana!”

⁵ S#nnaw# nem# dara l#mwagaro. Sahwara n#gwia p#n# pwaraav#na w#jaav#p#l'derera. Sare kir#' yune sasare y#p#ne'na m#l'. Aawa. Aayagaa' Naanger#na kum#ny#daas# w#jaav#neva Gotiyare s#munyav# m#d#d#v#l' y# sara ya'nera nem# kwainaav#naji kum#ny# w#jaav#n#waa#l'.

⁶ Maazathon#ya mwaalyaraav#ne sare' nem# Taaitazar# yaam#ji wid#wo. “Y#

sinnawi sagaa' sahwai pwaraavi nigiwianna wawinya wigaimwanga daza' Korid# mwaalyara ya'neraavi gaai widakabaaibi' widihaa'bwarana! Sarevi sahwaraayaba yanga gaimwanga nawi'nya sa' nayaa yi'mwannana!" yawirona sara yaamiji wido.

⁷ Yuyaburaavi sarimi yunebanna tewaanna yadivisaihiyi. Yi Kiraazitiyari diraginna yunebanna limwadivi', yi Kiraazitiyarine yagaala yuna diraginna wijiwaakadivi' yi yune simunya nawi'nya kininnakeihiyi. Yi sarevi sarimi Gotiyare wawinya ya sabwina yunebanna nebulya'na dikaa'divi' yi neminyina yunebanna nebulya'na yihivu'nadeihiyi. Yi sasare saihi yunebanna tewaanna yadivitabaai' dahaa' "Yanga gaimwanga nawi'nya dazabwi yi, yunebanna wijaayabwi yaana!" dapiji sara jila!

⁸ Savina nimi kiwinya dakya'ne' mihizivanige. Aawa. Maazathoniya mwaalyara a'mwe pwaraavina nebulya'na dikaa'divi' tewaanya yadivisanna jalikurakena sarimire kale saburi yaamiji yihivanige. Sa' nemi yawiraade'na sarimire kale sabwi sa' naanga nebulya'nanya' sahwaraavire'bisasira.

⁹ Sare' darevinyi. Sarimi mena dara yawi'maniga'. Nemire Naangei Jizaazai Kiraazitiyare yanga gaimwanga nawi'nyaange'na yake'nanyi. Yi sahwai nawi'nya naangengi aaya kaavilyalyi. Kiri' sariminyi gaimwanga yihya'nei gilyivita maayai yima'nakelyi. Yi sariminyina "Waryaanya sabwi limwadinyavi nawi'nya naange kininnakera

yima'nipika!" daka sarei yima'nakelyira. Sara mena yawi'maniga'.

10 Yi yihithivanige' kiwinya'na mi'. Dahaa' daza' nimore simunya' yihiziwaakivanige. Sare' darevinyi. Yi dare' sariminyine tewaanyasira. Kwaramenanyariki sarimi wawinya daza' mena dihaa'bwaretage'na mi'. Aawa. Sareihi sinnawi sarimire simunyavi wawinya ya'na tewaanya kuna yihivu'nakeihilyi.

11 Yi nabaai dahaa' wawinya daza' ya'ne' sarimi nayaa yimwannyina jideihilyi. Kigaa' daza'na simunyavi yime'nyabi' dihaa'bwaretabaabi' sarinnya gilyivisangina yinigevanna wi'nanya'na sarimi yunebanna yime'nyabi' jiwagyila!

12 Sare' darevinyi. A'mwei nigwia wijaaya'na tewaanna wivu'najai yi Gotiyai dazare sabwina tewaanya wima'nadelyi. Gotiyai yuya a'mwe dazari wiarajanna kunya yawi'da yi sahware wijaavade sanna maryawibwa'delyi. Sahwari nigwia naanga muwarikenna marayawibwa'dei mi'.

13 Sare' darevinyi. "Sariminyi taanginya yihyana! Pwaraavi wivwa'bwarakana!" dena yihithivanige' mi'. Aawa. Sariminyiji pwaraaviji avaa'ina yima'nyane'nanyi.

14 Yi dathahaasagaa' sarimire gilyivita kwalaalya yi a'mwe gilyivisanna yinahune yima'nadivisaraavi yunebanna wiadengi. "Yi sarevidaa'nyi divi sarimi gilyivisanna kune yima'nipija' yi sahwaravivi kwalaalya naanga wiaradara sariminyi gilyivisa yunebanna yihipika!" dena yihithivanige. Yi sasare

dazabwina sariminyiji sahwaraviji avaina yima'nade'nanyi.

15 Sara yapiji yi dare' Gotiyare bukuyavi dinikabaabisasi. A'mwei wapaaya manaaya kwalaalya maaraka sai kwalaalya naange kininnakai mi'. Nabaai a'mwei maal'na maaraka sai wigainadei mi'. Yi sasarebaabi' naange kininnakeihi mwaaibizaihi wigainaderaavina yanga duzaayila!

Taaitazalyi pwaraalyi yange'ne wawinya'na Koridina wawesa'nesi.

16 Nim'i Gotiyari suya widivanige. Sahwai Taaitazare simunyavi yidikaa'manikelyi. Sara yadaa'nyi Taaitazai nemibi' avaina yawi'mani'. Yi sai kwalyi sariminyine'na tewaanya wivu'nivani'.

17 Sare' dare'nanyi. Sai nemire yivaimwange' maa'mwa'. Nabaai sai kwalyi wawinya savina tewaanya yagina wivu'nivani'. Sarevidaa'nyi yune gannya saburinanya' sariminyawinna wiwaka.

18 Yi nemi neya'mwe pwai maryaasiwoyai sali ye'mwanniguwaai. Yuya kusilaanya sangi neya'mwe dazai yagaala tewaanya' wijiwaakyarine yaya' munyaba maki-manigasalyi.

19 Nabaai yune sasare'nanya' mi'. Aawa. Kusilaanyangine a'mwera widahilak'wa'daata sai divi nemiji ye'mwannayamarya'nelyi yanga gaimwanga daza' Jeruzaalem'ne Kiraazitiyaraavina makwawaade'nanyi. Yi nemi wawinya widayadaanya daza' yi Naangerine byaanna diraginya' a'mweraavi

yibwaridaakwia'nesi. Nabaai nemire simunya' gilyivi'maayaraavi wigaimwagya'ne daza' ya'na neyiwirivanike' yibwaridaakwia'nesi.

²⁰ Nemi yanga naanga maremwaala'na yivanigo savine yiwetawakya'na nyima'nadika! Sare' a'mwe aane pwai kwai yagaala kayaa'nanya' nadathika! Sarevidaa'nyi yi nemi neya'mwe dazai ye'mwannigwikade'na maryaasiwo.

²¹ Sare' darevinyi. Tewaanya nawi'nya yade sabwina nemi yawirona yune Naangere tinna sarinanna mi!. Aawa. A'mwe kwaraavire tinna kwariji nayaa yivanigo.

²² Nabaai nemi neya'mwe pwai maryaasiwoyai sarei saraalyi ye'mwanniguwa!. Kwalaalya saaminyagaa' nemi sari wawinya dala pininna pininnanyangi yidakwasangadaanyalyi. Yi nemi sari tinna wangadaawoji Naangere wawinya ya'na diraginna yadelyi. Dahaa' sai "Sari mi Koridi mwaalyaihi yune nawi'nyaangebawina jide'na," diraginna limwaga'manikei wawinya daza' ya'na dikaa'da diraginya yaginna yivanikelyi.

²³ Taaitazarina sarimi dara jawiranganyidelyi. Sai nimiji ye'mwannayadasalyi. Sariminyine'na nimiji avaiwawinyalyi. Yi neya'mwe pwaraai saraarina sarimi dara jawiranganyide. Kiraazitiyare kusilaanyangine yawisanna yadisaraalyi. Yi saraai kirinnya wawinya savina pwara Kiraazitiyarine yaya' byaannake! munyaba makidivisaraalyi.

²⁴ Sarevidaa'nyi sarimire kale' saraavi nayaa jivwaridaakwila! Nabaai sarimi nawi'nya ya'ne!

sariminyine yaya' munyaba makimwo sa' nebulya'nanya' jivwaridaakwila! Yi sahwaraji kusilaanya anga geva gevanya a'mweraji naanga nebulya'na yihyawirangabi'de'na sara jila!

9

¹ Sare' da'darevinyi. Yanga wijaaya' Gotiyare tewaanyaraavi widaaya'ne'na sarimi mena yawi'maniga'. Savina yi nimi yagaala saaminya' mida'muna! Sarevina manyigainyadesira.

² Sare' darevinyi. Nimi sarimire simunya' yihithikaa'manike' tivi'na yawi'manige. Yi Maazathoniya mwaalyara Kiraazitiyareraavi sariminne yaya' munyaba makidinyainyi. Yi dara wdivanige. Kwarama sinnawinyavi Piroviji Giriza mwaalyara daza' aaya mudi'na yamaasa'na mena yoviravalimwagata yesare. Yi sahvara sariminyina kadika wi'neva wawinya dazahiri' ya'na diraginya yadaapi yi daza' sahvara kwalaalya kwaraavi yidikaavakesi.

³ Sare kiri' yanga wijaaya'ne wawinya savina sariminyina yaya' munyaba makilya'na sa' yaasiwa'nanya' nyima'nadika! Sare'na sariminyawinna nya'mweraavi maryasiwaabe. Yi sinnawi nimi widevaabi' yi sarimi nayaa sara yoviravalimwagata jemwaalyide'na maryasiwaabe.

⁴ Sariminyawinna Maazathoniya mwaalyara nimiti nye'mwannigupijara sarimi nayaa yemwaala myadapi tinna yihwangabiza'na yi nemi wagila namaraadika! Yi nabaai sarimi kwaihilyi wagila yihye'mwannamaraadeihi dingaka! Nemi sariminyina diraginna

nebulya'na yaw+rakadaa sarim+iny+na diraginna sara wido.

⁵ Sarev+daa'ny+ n+mi+ dara yaw+'mwa. Nya'mwe saraav+ n+mi+ nayaa diraginna wid+ma! Kum+ sinnaw+ n+mi+ny+ waanapij+ sarim+inyaw+inna bi'map+'de'nany+. Yi sarim+ teawaanya naanga yanga wia'neihi mena dahesa' nayaa tivi'na yov+rawakapij+ ba'mujiyagaa' nigw+maaya saraav+na maryasaabya'ne' mena waradesi. Yi yanga daza' teawaanya naanga yanga wia'b+' y+ yemwaala yadesi. Nem+ yih+mwagi'nadaanya' nigwiabita' m+'.

⁶ Yi pwaraav+na yanga wijaayabwi daresi. A'mwei tika munne maal+'na bur+dei, nabaai sai yune tika munne maal+kenna maaradely+. Yi a'mwe teawaanya naanga yange'na bur+dei, nabaai sai kwalaalya naanga yange'na maaradely+.

⁷ Sabaai bi' sarim+iny+daa'nya gazaizai gannya s+munyavi mena yaw+rakoj+ y+ yune sah+bur+na mid+noj+ sara wijaavana! Yi sai yanga wijaaya'na s+munya' taanga nuyad+ka! Sahwai dara yaw+'da “A'mwera diraginna nyivan+gasa'na y+ sasare sah+bur+ wijaavan+geiny+,” nujaavad+ka! Sare' darev+ny+. Nigw+yange'na a'mwei y+laaya yader+na y+ Gotiyari teawaanya w+vu'n+ivan+ke'nany+.

⁸ Yi Gotiyai sahwai sarim+iny+ne'na y+niga wi'na yannely+. Yi sarim+iny+na yanga gaimwanga yuya wijaavada y+ sarim+ nebulya' yunebanna y+hyadeih+ly+. Sahwai “Yuyagaa' yuyangi g+ly+v+ta yuyanna kin+innakeihi my+h+gainyadeihi y+niga nebulya' wi'nanyaihi

yuna mwaalina jila! Yi wawinya tewaanya yuya sa ya'neihi dimwaalyila!" dada yunebanna yihyadeihilyi.

⁹ Gotiyare bukuyavi yangeraavina dara dinikabaabisasi.

A'mwera wia burija'ne piraih+ray+winas+'namaryad+vitabaai

A'mwei gilyiv+'maayaraavina naanga yanga wijaavakelyi.

Yuyagaa' yuyagaa' sahware yida'maraangebwi waragothelyi.

¹⁰ Gotiyai wia burija'ne a'mweraavina yanga wijaavadei yi sahwai wapaaya dala pininna pininna nya'ne yihizavadaawori sarehi yuyaihi tika nayaa dinyideihilyi. Yi Gotiyai gilyiv+isangi (wiangi) sarimi yiniga wi'nanya pwaraavina wijaaya'neihirina yihizaavadelyi. Yi a'mwera tika wapaaya wia buridiv+isa yi sare naanga yima'nadevaabi' sarimire gilyiv+isa naanga (sila naanga, wapaaya naanga) yima'nadaa'ny' yanga nawi'nyabwi yida'maraangebwi naanna kuna jideihilyi.

¹¹ Yi gazazangi sarimi gilyiv+ita kwalaalya yunebanna yihwakadeihilyi. Gilyiv+ita kwalaalyang+idaa'nya pwaraavi yanga yiniga wi'na wijaaya'ne yihwakadeihilyi. Yi nemire wawinya sav' sihumale sarimire daza' neya'mweraavi gaimwagathe'na Gotiyari "Su! Su!" widipi'dere.

¹² Sare' dare'nanyi. Gotiyare a'mwe tewaanyaraavi gaimwanga ya'ne' jide wawinya', sasare saburi sahwaravire gilyiv+isanna mudaasaderav' yunebanna yivani'. Nabaai yune sasare' mi'. Aawa. Sasare dazaburi kwalaalyara

yadaapiya'na yilaayasi Gotiyari “Su! Su!” wijasi maanga yuneba wiresi'nawidihita yade'nanyi.

¹³ Yi sarimi wawinya yivanigata daza' sarimire yadivita sabwi ku'maayaba marima'naabathesi. Yi sarimi Kiraazitiyare yagaala teawaanya' nayaa jalikurakadivisaburi kwaakewi mwaaihasa'naji yi nabaai Juthiya mwaalyaraavina yanga naange' nayaa wjavadaapi sahwaraji a'mwe yuya pwara kwaraji sarimire ye'mwannayivanigasa' wangabi'de'naji yi sahwaru Gotiyarine yaya' byaannake' munyaba makibi'dere.

¹⁴ Nabaai sahwaru yawipi'de'na “Gotiyare yanga gaimwange' wavila'nike' yihwaradesi.” Sarevi yi nabaai sahwaru sariminyi wanganya'nera sariminyina teawaanya wivu'naderera. Yi sara yadivi' Gotiyari “Su! Su!” widadivi' yidaanganna kyapiji sahwai teawaanya yihyatheihiyi.

¹⁵ Gotiyai gannya Gawaaliki yanga nejaavakelyi. Yanga sa' naangaangesi. Nemi daza' yiniga wi'na yunebanna yawi'daa daathe' mi'. Yi yanga daza'na nemi Gotiyari “Su! Su!” diraginna widaana!

10

Apozeliyaraavi kayaakyagaala widesa' Poli walamarakake'nesi.

¹ A'mwe pwara niminyina kwaasi yagaalya' dara dadiviki “Sahwai nemiji neye'mwannemwaaida gami sarine yaya' kwaakewi marima'nadelyi. Kiri' nabaai gami menyaba mwaaida sahwai yagaala

diraginaange nedasaabadelyi.” Polinyi nimi sainyi Kiraazitiyare kwaamu'nanyabulyi bwiwanna maremwaalyabulyi nayaa mididi sareinyi kave diragina yihithivanige.

² Yi dara yihidaangamanige. Dividaa'nyi nimi sariminyawinna kabi'mava'muji yi a'mwe sahwaru mala nayaa yiwannipika! Akai, a'mwe sahwaruavi nimi yagaala diraginya' nudiwika! Sahwaru neminyina dara yawi'divisa'na “Kilaakejikiya yawita saburi yamaryadivikira,” nayaa diragina widide'nanyi. Sara diragina yawirangamanige' kiri' baa'nana! Simunya yarai kyavada'galayawirapiji sara myavada'galyi yihyiwineinyi.

³ Kilaakejikiya yawita saburi myamaryadaanyi. Sare' darevinyi. Kilaakejiki yamaryadaa kiri' kayaa'nanya neyima'nadaa'nyi kilaakejikiya yawita saburina kayaa'nanya dathiwadaanyaine.

⁴ Sare' darevinyi. Yuyaji mala tannya'ne sa nemi limwagako sa kilaakejikiya yawita saburiyanna mi'. Aawa. Sa Gotiyare diraginya' kininnakenna yikamaangeraavire maihurita diraginya yiniga wi'na wo'dalasi'nade'na.

⁵ Nemi sahwaruavire simunya wo'daidaanyaine. Nabaai yuya saburamunya ke'beva daa'da a'mwera “Gotiyari yawiranganaana!” dadivi' yadivisaraavine tusa' kaanya tih'devura, saburakiburaji wo'daidaanyasi. Yi sara yadaa nemi a'mweinaavire yawita yuya sa Kiraazitiyari midinya'nengina kalavuzayiralimwaga'daanyaine.

6 Yi nemi mena yawibwa'nona sariminyina yemwaala yigo. Sarimi nemire yuya yagaala sa dinemidinyidehaa' yi nabaai nemi yagaalya' galazekivaidivita a'mwe yuyaraavi kumire kayaa'nanyabwina wirivikiraadeine. Sareina yawiralimwagata yivanigoinera.

7 Sarimire tinnyangi yihwarika dazanna Apozeliyainaavinnenna nayaa jawiranganyila! Yi a'mwe pwai kwai yune gami sarina diraginna limwaga'da "Nimi Kiraazitiyareinyi mwaihe," yi sai simunya' ayahi yawirana! Gannya simunyavine'na yoji dara yawirana! "Yi nimi Kiraazitiyareinyi mwaihebaaibi! Poliji Apozeliya pwaraji Kiraazitiyarera."

8 Sare' darevinyi. Naangei neminyina sarimire diraginna limwangebwi diraginya yihiwagaathe'na gannya diraginya' nejaavakeine. Sa' sariminyi kayaaka yihigalakaade'na mi'. Yi diraginya sa'na nimi yune neminne yaya sanna makilaaja' yi sa'na wagila maarideinyi mi'.

9 Kiri' nimi "Aala!" diwa. Sarimi niminyina dara yawi'maniga' "Gamire paaziyangi neminyi lika dahaneyiri'gaimani'." Sare' sarimi yawisa'na "Aala!" dadi mi'na yihithiwa.

10 Sare' dare'nanyi. A'mwe pwara niminyina dara dadivisare "Yo, gamire paaziya naanga kininnake yi yagaala diraginya kininnakengi. Kiri' gami sai kabi'mavoji nemi gamire kilaakejiki tinna wangadaawori diraginya maayalyi. Yi sagaa' gamire yagaalya' yaasiwa'nanyasi."

11 Sasarera nayaa dara yawipika! Nemi

sariminyi menya keibeva yibwa'nadozi yune yagaalya' sariminyina pikarya yida'daanya' yi nabaai nemi sarimiji yihye'mwannamwalaaja' nemi avaananyabwi yagaala sa' sara yihyadaanyasi.

12 Sare' darevinyi. Nemi simunya kwalaalya yawi'manigo. Yi "A'mwe pwarabi' avaananyainera!" nemi yiniga wi'na daanneina mi'. Sahwara yune kuminne yayanna munyaba makinadivisare. Yi nemire sabulyi akwaraavire sabulyi yiniga wi'na maryawibwaraanneina mi'. Aawa. A'mwe dazara yune kumire saburine yaamijita wakadivi' "Tewaanyainera," maryawibwa'divisare. Sahwara kumire yawisangina maryawibwa'nadivisare. Yi sarera simunya maayare. Kwaakevakiyara kunnya yawisabwina nayaa maryawibwa'nadivisara mi'.

13 Sahwara sara yadivi' kiri' Apozeliyaina neminne yaya' munyaba makilyavina nemire yitaasavi wavilavaadeina mi'. Aawa. Yitaata savi Gotiyai yaamijita wakada yitaasa' maryawibwaraka yanga nejaava'. Nemi yitaata yune dazahirivina mididaanyaine. Nemi sahirivi kusawi midinona sarimi kwaihiryawinna bi'mavoine.

14 Sare' darevinyi. Nemi sariminyawinna mabi'mayi yaaji kwaji nemire yitaasavi kavari'mavaadikebaaib' pilaanna nemi saina diraginna wavila'manigoina mi'. Aawa. Sare' darevinyi. Sinnawi sariminyawinna bi'mavona sariminyawinna Kiraaazitiyarine yagaala tewaanya' yihimakabovina sarimi

nemire yitaasavi mwaaiha'.

¹⁵ Wawinya piningi a'mwe pwara gaalyagaa' miraagikiresangina neminne yaya' mamakilyivanigo. Nemire yitaasavi Gotiyai dahilakaka wawinya savi mavari'mayona sara mi. Aawa. Nemi simunya diraginya dara yawirakivanigo. Sarimire diraginna limwangebwi sarimire simunyavi diraginaanga mena kima'noj+ nemire yitaasavi yinigeva wawinya sa' yunebanna yimwannaaade'nanyi.

¹⁶ Yi sariminyi bulyimagi mwaaihata kwaaka pimagina Naangerina kadika mu'nyadivisaraayawinna nemi yagaala tewaanya' wijiwakamaryaade'nanyi. Nemire yitaasavi pari'makwiya yaadeina mi'. A'mwe pware yaamijita wakinikeba mena yakengina neminne yaya' yaasiwa' makilaanneina mi'. "Wawinya sa' nemi saina yagosira," majadaanyainera.

¹⁷ Aawa. "A'mwe gaminne yaya' munyaba makidei yi Naangerina gaverina nayaa sara makilana!"

¹⁸ Sare' darevinyi. A'mwe yune gannya yaya'na munyaba makilajai yi dazari Gotiyai yawiramaardei mi'. Aawa. A'mwe Naangei gamire yaya' makilajai yune a'mwe sahwari yawiramaardeyi.

11

Poli kwaasi apozeliyaraavirebwi ku'maayaba jalikurakake'nesi.

1 Akai, dara nyivuvu'nivanikeinyi. Nimi simumaaya maali'nanya yagaala kave du'nyila! Maanga yarai manyidipinera! Kiri' yihithiwe' baa'neka! Sarimi maanga maji, nayaa kave nyu'nadivisaihilyi.

2 Sare' darevinyi. Gotiyaridaa'nya wivuvu'nyabwina sariminyine tewaanya nyivuvu'nadeihilyi. Gotiyai a'mweraavina "Ninnya'neraavi dahilakima!" dada yi sasare dazahiburi sariminyina diraginna yawi'manige. Sare' darevinyi. Gave pwarina kwala maa'nya'na sariminyi mena yihithahilakiveihilyi. Yi sahwai Kiraazitiyalyi. Yi sahwai a'mwazidiraaya tewaanya' mwaaide'bisaihiriri Kiraazitiyarina yihimaakideihilyi.

3 Kiri' nabaai nimi lika dara yiwa. Kamaala sai kwaasiya sabwina simunya naanga yawi'dei sinnawi kigaa' Yivavi kwaasi yagaala sa' wijaakabaabi' sasare sabwi nayihima'nadika! Sarimire simunyangi yune Kiraazitiyarine yawita dazabulyi yune gaminyina tewaanna yida'na yihivuvu'nya dazabulyi yihwarikebulyi. Akai, sarevina sarimire simunya sa kayaaka nayihigalakadika! Nimi daza'na lika yivanige.

4 Sare' darevinyi. A'mwe kwai sariminyawinna yima'naabada Jizaaza pwarina yihiziwaakadei. Nemi yihiziwaakoyai yi Jizaazai sahwarina mi'. Yi sasare dazaburi sarimi kurya nabinanyai maa'divisaihilyi. Sinnawi sarimi maareta Kurya Tewaanya dazaina mi'. Yi sarimi yagaala tewaanya nabinanya' maa'maniga'. Sinnawi sarimi

yagaala tewaanya maareta daza'na mi'. A'mwe sai sariminyi tinnyaba sasare sabwi yadei yi sahwari kave wi'nivanigasaihile!

⁵ Sare' darevinyi. Nimi dara yawi'manige. Mudikera sara yihithadivi' nabaai, "Apozeliya nawi'nyaanga wavila'nikeine," dadivisaraavi dalaangewi aane piburina kiburina maali'na wila'nata mijivanigena!

⁶ Kiri' yagaala wjav'i nimit nayaa miwirinkeinyi dahamwaahe? Baa'nana! Sare kiri' nimit simunya yawisa'na kuna manyimudaasivani'. Aawa. Sariminyina yuya simunya yawita yuya sa nemi yadaanya yuya saburana yhibwaridaakwo.

⁷ Nimi Gotiyare yagaala tewaanya' yange'na yihiziwaakeinyi. Yi sara yadi nimit savina nigwia maareinyi mi'. "Yagaala nebulya' yihiziwaakadi sariminyi munyaba makilima!" dena nigwia mamaarya dazaburi nimit sainyi walamarake. Sara yene'na nimit dazabwi ye' yiwetawakyabwi dingaka?

⁸ Kiraazitiyare kusilaanya piningi sariminyi yihithaaya'nevi nimityi nyigaimwagya'ne nigwia maareinyi. Yi sasare saburi sahwaraavire gilyivisa nimit yaasiwa' mwagi'nyabisasi. Kumire widaayavina mi'. Sariminyine'nanyi.

⁹ Sinnawinimit sarimiji yihye'mwannemwaalena yi nimit gilyivisanna nyigainakegaa' yi dazagaa' sarimijiya a'mwe aane pwarina kwarina taanga wijaveinyi mi'. Sare' darevinyi. Neyamwerana Maazathoniyadaa'nyara anga Koridina yimaveva gilyivita nyigainadaasiya

sahwara yunebanna ye'. Yi gilyivita yuya nimi nayaa yavada'gainadi sariminyina nimi taanga pimili' kimili' mayihizaaye. Nabaai divi yuyagaa' yi nimi nayaa kuna sara yideinyi.

10 Yagaala nebulya'nanya Kiraazitiyare' sa' niminyi sahwayi nyari'. Sarev'idaa'nyi yuya Piroviji Giriza simagi' niminne yaya' munyaba makidi yadinya dazabwina a'mwe aane pwai nimore tusa' yaya' makilya'ne' kaanya yinga wi'na tihiradei mi'.

11 Nimi sasare sa' baari'na yivanigena? Nimi sariminyina tewaanya manyivu'nyivanikeinyi dingaka! Aawa. Gotiyai mena nyawimani'. Nimi sariminyi nyivu'nadeinyi.

12 Sare kir' "Pwara kuminne yaya' munyaba makilya'ne tusa'na 'Polimiva avaina yadiv'itabaabi' sabwina biraana!' dadivi' yaamiji' yina yadaapi 'Tuta sa' kaanya tihirima!' dena sarimire nigwia maa'dinyainyi mi'. Yi nabaai nimi yune sasara yideinyi."

13 Sare' darevinyi. A'mwe dazara kwaasiya apozeliyare. Sahwara kwaasi yadivisare. Sahwara kumirebwi marovinya yadivi' yune kilaakejikina "Kiraazitiyare Apozeliyainera," dahilakimaniga'.

14 Yi dazavine'na sarimi atika mamaru'napina! Sare' dare'nesi. Saataani gami sai gannya kwaasiyabwi marovinada yune kilaakejikinanya' sai baakeviya ejeliyaibi' yima'nadelyi.

15 Sasare sav'idaa'nyi gamire widaayadivita a'mwera kwaraji kumirebwi kwaasi marovinya yadivi' a'mwe yida'maraangebwi

yadivisarabisara kwaasi yima'nadivisa' naange' daaka! Yi a'mwe sahwara dividaa'nyi kumire kwaasi yadivita sabwina tivikita kayaa'nanya maapi'dere. Kumire aayagaa'ne' kayaa'nanya sahiri' wari'.

16 Sinnawi mena yihithiwe' nimi ayahi yihithima! A'mwe pwai kwai niminyina dara nyawiradi' "Sai a'mwe simumaayalyi." Kiri' sare' yawirya'neihiri' yihivu'naja' "Nimi kwainyiji simumaayaibisainyi nimine yaya' munyaba makilima!" kada'muji kave dinyu'naabyila!

17 Nimi Naangei yakebwi mamidinyadi yagaala dara majivanige. Aawa. Simumaayaibi' yagaalya' yaya' munyaba makilya'na nimi diraginna yivanige' dara dahathivanige.

18 A'mwe kwalaalyara kilaakejikiyabwi mididivi' yi kuminne yune yaya sangina munyaba makimanigasavi yi dahaa' nimi kwainyiji yaya' munyaba maali'na makilideinyi.

19 Sare' dare'nesi. Sarimi a'mwe simumaayaraavi kwaasi yagaala yihiziwaakadivisaraavi yilaaya'na kave wi'nivaniga'. Sarevi simunya tewaanya' kininnakeihi daa!

20 Sare' darevinyi. A'mwe pwai kwai gamire yaasiwa'wawinya'na yihimwagi'namakabaza' yi sai sarimire gilyivita yuya yunebanna yaja' yi sai gamire kwaasiya'na yihigalaja' yi sai kayaa'na yhibwaakaja' yi sai sarimire sidalengi mala yihiramaja' yi sara yihyadaawori sare sari kave nayaa wi'nivanigasaihile!

21 We! Sasare kayaa'nanya sabwi ya'ne sah-

wara yadivisanna nemi diraginya maayaine. Sarevi yi nimi savina jalikurakiwe' yi nimi wagiya' nyivwa'nanneinye!

Nabaai a'mwe pwai kwai diraginna yada gannya sabwina jalikurakadevurina yi dazahiburina nimi kwainyiji diraginya yadi jalikurakideinyi. Sara diwe' a'mwe simumaayainyibi' diwebaaibisasi.

²² Sahwara Yiviruyara dingaka? Yi nimi kwainyijinyi. Ne Jaikopim+daa'nyara Yizireliyara dingaka? Yi nimi kwainyiji. Ne Eviraamim+re yisiwiara dingaka? Yi nimi kwainyiji.

²³ Kiraazitiyari widaayadivitara dingaka? A'mwe wana sidu'maaya yune navi'navika nebulya'nanyaibisainyi dara dima! Yi nimi wavila'dinyainyi. Yagi+yagi wawinya kwalaalya naangengina wavila'na. Nimire wawinya'na kalavuzi kwalaalya naangengi yirakesangina wavila'na. A'mwera niminyi mala naange nyiradaapiri yi dazavi sahwaravi nebulya'na wavila'na. Kwalaalyagaa' nebawa kabaimudikeinye!

²⁴ Yi yirika dahasaai dahasaai dahaa' sarevi Juyara wila kayaa'nanyabaalyi nyili'bware'. Kuna nyili'bwadivi' aaya' teti naainiyavi (39) tamidaakuna nyadiviki. Sarevi aya kiba nimi baligirasainyi.

²⁵ Yirika dahasaai dahaa' Romiyara yisarikaji nyirame'. Gave pigaa' a'mwe pwara silyaji liwakina nye'. Gotiyare wawinya'na wodi yirika dahasaai dahaa' sipiya' kayaaka yinyina kya' nimi saalaalyavi yiwina kyiwidikeinyi. Yi

sarev+daa'nyĩ pigaa' sawita pirĩ' yĩrite pirĩ' saalaalya naangevĩ a'ba yilaramaryeinyĩ.

26 Nĩmĩre widaayaburĩ kwalaalyagaa' nĩmĩ tuta saamĩnyavĩ waweinyĩ. Aalya yarai bwalyawodaa'nyĩ yĩwĩna kiwĩdĩkeinyĩ sara yeinyĩ. Yĩ a'mwe kuka yĩpalamaa'divisaraavĩre asĩrĩ saba sana yĩwĩna kiwĩdĩkeinyĩ. Yĩ nĩmĩre yĩsavaakĩyara Kĩraazĩtiyarĩna sĩnna tĩka wĩda'daa'nyĩ nĩmĩnyĩna “Kayaaka yĩgalaana!” deva sara kanyĩramakĩpĩdĩkeinyĩ. Yĩ a'mwe ajĩmya pĩningĩya pwara sara kwarajĩ “Kayaaka yĩgalaana!” deva sara kanyĩramakĩpĩdĩkeinyĩ. Yĩ anga naangeba sara yĩwĩna kiwĩdĩkeinyĩ. Yĩ kwaaka a'mwamaayavĩ sara yĩwĩna kiwĩdĩkeinyĩ. Yĩ saalaalyavĩ sara yĩwĩna kiwĩdĩkeinyĩ. Yĩ a'mwe “Nemĩ Kĩraazĩtiyareinera. Ja'mweinera,” kwaasĩ dadivisaraavĩre asĩrĩ sara yĩwĩna kiwĩdĩkeinyĩ.

27 Nĩmĩ wawĩnya kwalaalya yagiyagĩ sara yeinyĩ. Diragĩnna mĩraagĩkĩreinyĩ. Kwalaalyagaa' sawĩ'wawĩnya yadĩ se wareinyĩ mĩ'. Mĩjĩ'na mwaalĩna yadĩ aalya'na baleinyĩ. Kwalaalyagaa' Kĩraazĩtiyare wawĩnya'na tĩka wapaaya yagalya'maveinyĩ. Nĩmĩnyĩ yĩrĩla nyadaa'nyĩ baazĩ'ma'nyanna kune nyĩma'nakeinyĩ.

28 Nabaai yune sahĩnĩnanna mĩ'. Pĩnĩ warĩke wavĩla'nĩkeinyĩna wibwarĩdaakuvanĩkengĩ. Yuya yĩrĩkerĩkaavĩ nĩmĩ Kĩraazĩtiyare kusĩlaanya yuya sangĩ maremwaaalya'na sĩmunya kwalaalya yawĩ'dĩnyainyĩ. Yĩ daza' taanginya naanga nebulya'nanya' nyakĩvanĩ'.

29 Yĩ a'mwei Kĩraazĩtiyarĩ lĩmwadei gamĩre kuryai diragĩnya maayai yojĩya'na

yî nîmî kwainyî gamîbî'na najînanyainyî ye'mwannamwaalîdeinyî midaaka! Yî a'mwe kayaa'nanyavî yîdîhwakî'naraawajai yî daza'na nîmîre simunyavî kale dusîna, daanga naanga dîke'bi' nyîgînyîwannaradeinyî midaaka!

³⁰ Nabaai nîmî yevîna “Kwalaalyanna dijî,” yawî'mujainyî yî nîmî dara dîdeinyî. Nîmî diragînya maayainyîra. Yî dazavîna nîmînne yaya' munyaba nayaa makîlîdeinyî.

³¹ Gotîyai, Naanga Jizaazarî Ganîmaangei sahwai nîmînyîna dara yawî'delyî “Sai kwaasî majîwa'.” Nemî yuyagaa'na sahwari'ne yaya' munyaba makidaanyai sara yawî'delyî.

³² Yî sarîmî nayaa yawîranganya'neihîrî “Polî diragînya maayalyî,” yîhîthîma! Damaazîkazi saba Aaretazai Kingîyai mwaala'. Sarei kîyaapiya naangerî anga naanga Damaazîkazi tîkuryavî maremwaalya'nerî dahîlakakelyî. Yî sahwai dame daaya'nei nîmînyîna “Kalavuzayîrîma!” daka nyakelyî.

³³ Sara kanya' nya'mwe pwara soigîlya naangevî lîka wîlanyîmarulakeva angebanya sikurîkevi munyaba dabu'nîkevi nîmînyî wîlyabaarî makwasaabîna nye'. Yîthaa, sara kanye' nîmî walaabîna yîna yena lîkaanya wîna ye. Sarevîdaa'nyî yî nîmî kîyaapiyare asîrî makwasakena yî nîmî lîkaanya wîna ye. Saza yadînyainyî wîrîsainyî.

12

¹ Tusarî' pirî' mî'. Nîmî yune nîmînne yaya' munyaba makimujainyî. “Nebulyasî, sasare dazabwi negaimwagathe' mî’,” yawî'daanyî.

Sarevi kiri' a'mabaaitinna pininnaji lika yulyakya piniji Naangei marima'naabadennaji dide'nanyi.

² Kiraazitiyari wilamwaalika pwari nimi mena yawirangadinyainyi. Yi sahwari kwarama potinya (14) kigaa' Gotiyai gamireba Sigunyavi menya ke'mwewinna yarai yipalamakilaawa'. Ai, sai kilaa'nakei dahamwaala'? Nimi myawiriwa. Sai kilaakeji' yagalya'mata dahaya'? Nimi myawiriwa. Gotiyai yune gave sahwaina yawi'dei.

³ Yi nimi a'mwe dazarina yawirangadinyainyi sahwari Gotiyai nawinyabanna Parathaazi wo'nikebanna makilaawakerina. Sai kilaa'nakei dahamwaala'? Sai kilaakeji' yagalya'mata dahaya'? Nimi myawiriwa. Gotiyai yawi'dei.

⁴ Sigunyaba sai kadika wi'naka yagaala sangi a'mwei yiniga wi'na dannei mi'. Yi Gotiyai daza kiri'naji kimaakiya dakina.

⁵ Sasareri yima'nakevina nimi gaminne yaya' munya ke'ba makilya'neinyi. Nimiynyine'na niminne yaya' munyaba mamakimuna! Kiri' nimiynina gave pirina dara dide'na "Nimi diraginya maayainyira," niminne yaya' yiniga wi'na makilideinyi.

⁶ Sara yiwineinyi. Sare' darevinyi. "Niminne yaya' makilima!" diwija' a'mwe navinavikeinyibi' yideinyi mi'. Sare' darevinyi. Yi nimi yagaala nebulya'na diwineinyi. Kiri' yune niminne yaya'na mamakilyivanige. A'mwe pwai nimiynina dara nyawiradika! "Poli a'mwe wana nawinyaangelyira." Nimi yivanige sabwi sahwai tinna wangananneji nimi yagaala

dìvanìgengì kadìka wì'nannejì sasare sahìningì simunya nayaa yìda'na yawìrade'na tewaanyasi. Nebulya' dìngaka? Kwaasiya' dìngakajì?

⁷ Yì yuya daza Gotiyai nyìbwarìdaakwake wana naanga nebulya'nanyanna “Yì gamìne yaya' gamì saina naanna namakìladìka!” daka sarevìdaa'nyì Gotiyai lange'bisà' daange' nìmìre kìlaakejìkì nyìmulya'ne' nyìjaava'. Yì daza! “Saataanìmìre ejeliyai Polimì mala wìramana!” daka nyìjaava'. Nìmì yune nìmìnyìne'na naanna namakimudì'de'na nìmìnyì marulawakya nya'nei daanga nyìvìdelyì.

⁸ Dazavìna “Naangei nìmìnyì marasì'nana!” dena yìrìka dahasaai dahaa' dìragìnna yìdaangane'nanyì. “Tewaanya mwaalìma!” dena yìdaangane.

⁹ Kìrì' nabaai sahwai dara nyìda' “Nìmìre yanga gaimwanga naangebwi gìmìnyì yìnìga wì'nannebulyì. Darevìnyì. Nìmìre dìragìnya' a'mwe dìragìnya maayaraavi wawìnya yuna nebwina wiadesì.” Sarevìdaa'nyì “Taanga nanyadìka!” madìwìna! Nìmì dìragìnya maayainyìre wìrìta savìne yaya' munyaba makidìnyainyì. “Kìraazìtiyare dìragìnya' yune nìmìnyì nyarana!” dadì sara yìde'nanyì.

¹⁰ Sarevìdaa'nyì Kìraazìtiyarìne'na wìrìsangìjì bìraiyagaalyangìjì nyìgainyangìjì kayaaka nyìgaidengìjì taanga dala pìnìna pìnìnnanyangìjì nìmì wikìra. Sare' dare'nesì. Nìmì dìragìnya maayainyì mwaala'mujìyagaa' yì dazagaa' sagaa'na dìragìnya nebulya'nanya' kìnìnnakeinyì.

¹¹ Nìmì navì'navìkeinyì yìma'nìwa.

Kiri' nabaai nimi yadinyabwi
 nayaa myawiranganyiswaasavi sarimi
 kyanyidika'mwa'daa' yi nimi sara yima'nena
 yagaala sa diwa. Sare' darevinyi. Sarimi
 niminne yaya' munyaba makibiza' sa'
 yida'nanyabulyi. Kiri' sarimi sasara
 yadivitaihi mi'. Sare' darevinyi. Nimi
 geinyira. Kiri' mudikera "Apozeliya
 nawinyaanga wavila'nikeine," dadivita
 dazaraavi dalaangewi nimi mula'narige. Aane
 pir'i kir'i manyimudaasadeinyi.

12 Nimore simunya' diraginya yuya
 yivaimwannadi sariminyaba Gotiyare wawinya'
 yadi apozeliya kware wijiwaainya nebulya nimi
 marima'naabe. Sa yi darengi. Yijiwaainya
 dala pininna pininnanyaji atika maru'nasaji
 diraginya yaji sa yima'nikengi.

13 Sare' dare'nesi. Nimi yihye'na
 "Kiraazitiyare kusilaanya piningi naanga ya'.
 Neminyi maalika ya'." Sara yawi'manigasaihi
 daaka! Nimi yadinya'na sariminyine pininna
 yihimudaasade dingaka! Yi yihimudaasade'
 gave pir'i'nanya' daresi. Nimi sainyi
 gaveinyi sariminyi taanga yihizaaveinyi mi'.
 Sarimire gilyivisa yihimwagi'neinyi mi'.
 Nimore yiwetawakya dazawaai sarimi nayaa
 dimarasi'nyideihile!

14 Yithaanyi, dahaa' sariminyawinna
 dahasaai dariki bide'na nimi yemwaala
 yiwa. Yi nabaai taanga mihizaayadi sarimire
 gilyivisa yihimwagi'nideinyi mi'. Sare'
 dare'nesi. Sarimire gilyivisa maarya'na
 nimi mabiramaariwa. Aawa. Nimi

sarimi sahwhiri maarya'na nyivu'nivani'. Sare' darevinyi. Kaimiraayara sahvara kuvinimaangeyuraavi gaimwagya'neyuraavi gilyivisa mari'bwarakya'nera wawinya maayarera. Aawa. Yune kuvinimaangeyura kaimiraayaraavi gaimwagya'neyura mari'bwarakya wawinya sa' kininnakeyurera. Nimi sirinimaangeibisainyi sara yihithiwa.

15 Yi yihigaimwagya'neinyi nimire gilyivita yuya wasisa'na, nimire gaala kibulyi wasisa'na. Yi sarevina nimi "Wikira," dadinyainyi. Nimi sariminyina tewaanya naanga naanga nyivu'naja sarevidaa'nyi sahirivi tivikita ya'ne' niminyina sarimire yihivu'nyabwi yune maal'nanya' jivanika!

16 Kiri' nabaai pwara sahvara niminyina dara divaniga' "Nebulyasi. Sai sarimire gilyivisa ku'maayaba maarakei mi'. Aawa. Sai a'mwe nyili'nyilika dadelyi. Yi kwaasiyaburi sai sarimire sinnyikaavi lika yulya'mwagakya yada sariminyi yihimwagi'namaara'."

17 Mena maryasaabera a'mwe pwara sariminyawinna besaraavidaa'nyi kwaraavire asiri nimi kwaasi yena sarimire gilyivisa dahayihimwagi'ne!

18 Nimi Taaitazari kyadikaave yi sahwai sariminyawinna bakei, yi nimi neya'mwe pwai dazai maryasaabei salyi ye'mwannigwawa'. Taaitazai sai kwaasi yaka sarimirena mwagi'nakei daaka! Gamiji sainaai simunya gave avainanyavi kaanya yamaryolyainaai midaaka! Tuta yune gave pirivina yibwaramakwadasainaai midaaka!

*Koridi mwaalyara yavada'gainya'neraavi
"Mala nayaa jiwannyila!" widake'nesi.*

19 Yagaala yuya dazangi sarimi danganapiji yi neminyina jawryideihi dingaka? "Nemire tinnyari Polimivaavi marida'maya'ne' yida'mwakelyi." Kiril' aawa. Gotiyare tinnyari nemi Kiraazitiyari wlamwaaihoina yagaala daza divanigo. Kiril', sariminyina tewaanya nyivu'nadeihi, nemi yivanigo yuya sa, yi sariminyinenna d'raginya yivaimwanga yihyadennanyi.

20 Sare' darevinyi. Yi nimi lika dara yivanige nayihwangamudika! Sariminyawinna bil'mava'muji "O, sahwaravina simunya nayaa yawirima!" diwija' kiril' sarimi nayaa mamwaalyi yadivi' sareihiri nayihwangamudika! Nabaai sarimi kwaihi "Pol' neminyina yilaaya yana!" yawipija' kiril' nimi sainyi maanga yihiza'neinyi sareinyi nanyangabithika! Akai, sariminyaba kayaa'nanya dala pininna pininnanya dare naradika! Maanga dinyina, tiganaarya yawi'na, sinna tika davina, pimaginiyavakaavi maiyagaala dina, kayaakyagaala dina, bulayagaala dina, pihadika yibwaakina, gavamarasi'nyiyagaala dadi'ni' yina. Nimi dazanna yipija'na lika yivanige.

21 Akai, sariminyawinna ayahi kaba'muji yi sariminyina nimire Gotiyai nimityi nanyimarulawakadika! Yi a'mwe kwalaal-yaraavi yavada'gaidi sahwaravina kinna nadwidika! Sahwara sinnawi kayaa'nanyabwi yesara simunya mudikebwi myawiramaariwaa'.

Yi sahwara kayaa'nanya girikita'nanyabwi yina, ata limwangebwi yina, dika widadaasi yina, yi sara yadivisaraavina kinna nadiwidika!

13

¹ Dahaa' sariminyawinna nimi bide dahasaai dahaakira. Mi'na bi'mava'muji yavada'galya'na dinike'na dara yideinyi. A'mwe pwaraai a'mwe kwaraai kwai avaaimaangi'na kajalikurakapiji yagaala daza' diraginya wa'da yagaainakeraavi yawibwarideinyi.

² Sinnawi sagaa' yiwetawakya yesaraaviji sariminyi a'mwe yuya pwara kwara sara yiwa'daasaraaviji yi pigasaalyagaa' sagaa' nimi sarimiji yihye'mwannamwaalena “Sarimire yiwetawakyangine tivikisa'na mala nayaa jiwannyila!” yihithevaai' yibwa'naweinyi ya'ne sabwina ayahi dara yihithivanige. Sariminyawinna ayahi ba'muri yiwetawakya yadivisaraavi yaasiwa' wanganakina yideinyi mi'.

³ Sare' dathare'nanyi. Sarimi “Naanga nebulya'na yawiranganaaji 'Kiraazitiyai Polimire maangevi dathei dingakaji,' ” jawiranganyide. Kiraazitiyare diraginyavi yihyideinyi. Sahwai sariminyina wirisa'na yadei mi'. Aawa. Sahwai sariminyina diraginaangelyi.

⁴ Sare' darevinyi. Kigaa' sahwai wirita kininnakeri pwara yisaviri niyya wiramesalyi. Kiri' nabaai Gotiyari diraginya kininnakei gaalyai mwaali'. Sare' datharevinyi. Nemi sahwari wlamwaaihovi nemire kilaaakejikaavi kwainaji diraginya maayaine. Aawa. Kiri'

Gotiyare diraginyavi nemî sahwalî gaala gamireina ye'mwannamwalaadeine. Yî nabaai nemî sarîminyî yîhyavada'galya'neina diraginya daza' marima'nabaatheine.

⁵ Sarîmî nayaa jawiryide'na “Nemî Kiraazitîyarî limwaga'manîgoina daaka?” sarînnya simunyangî yaamîjî jîla! Sarîmî saihi sahwalîrî nayaa jawîranganyîla! “Nemînyî Jizaazai Kiraazitîyai sahwalî wilanemwaalî!” myawîrivanîgasaihi daa! Nabaai aawana. Yî savîna sarîmî kwaasîyaihîrî jawîrangannyideihi dîngaka?

⁶ Yî nîmîre yawîta yîvanîge. Sarîmî nemînyîna dîneyawîranganyide yawîbwata dazavî yînîgeva. Kwaasîyaina mî'.

⁷ Yî nemî Gotîyarî yîdangadaanyî. Yî sarîmî kayaa'nanya aane pîbwi kîbwi mi jideihîlyî. “Nemî yavada'galya'neina yînîga mi'nanyaina ku'maayaba nayaa yîma'nabaana!” dona sara yîdangadaanyaina mî'. Aawa. “Yî sarîmî tewaanyabwi jîla!” dona yîdangadaanyî. Sare' nevu'nîvanî'. Nemî yînîga wi'nanyaina ku'maayaba yîma'nabaadeinaavi myawîranganya'ne'na wikîra. Sarîmînyawînna bawaajî Kiraazitîyare diragînyasi yîhyavada'galaade' wikîra.

⁸ Sare' darevînyî. Nebulya' marulawakya'neina yînîga wi'na yaanneina mî'. Aawa. Nebulya' gaimwagya'neina yînîga wi'na yaanneinera.

⁹ Nabaai sare' darevînyî. Nemî wirîta kînînnakeibîsaina mwalaaja gazagaasagaa' nabaai sarîmî diragînya' kînînnakeihi

mwaabizagaa' nemi yilaaya yina yadaanyain-
era. Nabaai sarimi yavada'gainya'neihi
tewaanya yida'maraanga nawinyaihi
yima'nya'na yuyagaa' nemi Gotiyari
widadaanyi.

10 Savidaa'nyi "Nimi yibwa'naweinyi
sarimiji bihye'mwannamwaala'muji Naangere
diraginyasi yarai davanganasa'na mihizi yima!"
dena pikarya datha' yida'mwa. Diraginya
daza' Naangei nyijaavake', yi daza' diraginna
limwangeburi diraginya yiwagya'nesi. Sa'
yawisangi kayaaka wo'dalasi'nya'ne' mi'.

Yagaala pimaginya pininnesi.

11 Nya'mweih, dahaa' yagaala aaya'
dima! Tewaanya dimwaalyila! Tewaanya
yida'maraanga nawinyaihi yima'nya'neihi
yavada'gainyina jila! Nimire yagaalya'
nayaa wi'namidinapiji sarinnya simunyangi
diraginya yivaimwanyina jila! Simunya
avaainanya' jawiramaarila! Kwaamu'nanyaburi
dimwaalyila! Sara yadivi' yi Gotiyai
tewaanya wivu'nyaburi aaya kaavilyai,
kwaamu'nanyaburi aaya kaavilyai, yi sai
sarimiji yihye'mwannamwaaladelyi.

12 Sariminyi gazaizai gya'mwe pwar'
"Nya'mwei!" dada maangwidaayilaaya
tewaanya' yana!

13 Dava Gotiyare tewaanya yuyara sariminyi
"Neya'mweih!" yihithivaniga'.

14 Naanga Jizaazai Kiraazitiyai sarimi
yuyaihiri yanga gaimwange' kuna yihwakana!
Gotiyari sarimi yuyaihirina tewaanya kuna

w#vu'nana! Kurya Tewaanyai sar#m# yuyaih#ly#
kuna y#hye'mwannamwaalana!

Pol#

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 9 Oct 2020

ef60f748-49e3-5ee0-8e6d-a25b74b7a93c